



DIREKTIV PWOVIZWA POU KONPETISYON ESPÒ PWOFFESYONÈL AVÈK FANATIK YO PANDAN IJANS SANTE PIBLIK COVID-19 LA

Lè ou fin li dokiman sa a, ou ka afime nan espas ki anba a.

Apati 22 mas 2021

Objektif

Yo te elabore Direktiv Pwovizwa pou Konpetisyon Espò Pwofesyonèl avèk Fanatik oswa Espèktatè yo pandan Ijans Sante Piblik COVID-19 la ("Direktiv Pwovizwa sou COVID-19 pou Konpetisyon Espò Pwofesyonèl avèk Fanatik yo") pou bay pwopriyetè ak manadjè ekip espò pwofesyonèl yo, atlèt yo, anplwaye ekip yo, pwopriyetè ak operatè arèn yo, estad yo ak lòt espas yo jwe espò pwofesyonèl yo ak anplwaye espas evènman yo, ansanm ak kontraktè, vandè, ak kliyan yo, prekosyon yo dwe pran pou yo ede pwoteje kont pwopagasyon COVID-19 pandan konpetisyon espò pwofesyonèl yo ap rekòmanse akeyi fanatik oswa espèktatè yo.

Nan objektif dokiman sa a, yo defini espò pwofesyonèl kòm nenpòt evènman espòtif kote yo peye patisipan yo (sa vle di yon lig, yon ekip oswa yon esponsò peye yo) oswa ki òganize nan fason pwofesyonèl (pa egzanp, Komite Olenpik). Anplis de direktiv sa a, moun k ap patisipe nan espò konba san zam yo dwe respekte jiridiksyon ak règ Komisyon Espòtif Eta New York la (NYSAC, New York State Athletic Commission) preskri yo. Direktiv sa a pa aplike pou espò pami jèn yo oswa onivo inivèsite yo, paske yo chak gen pwòp direktiv pa yo apa. Epitou, direktiv sa a pa aplike nonpli pou evènman kous a cheval oswa kous nan machin yo, paske yo chak gen pwòp direktiv pa yo apa. Pou fini, direktiv sa a pa aplike pou evènman ki pa konpetisyon espò pwofesyonèl (pa egzanp konsè yo) ki ka fèt nan arèn, estad, ak lòt espas yo jwe espò pwofesyonèl yo, paske yo gen pwòp direktiv pou espektak vivan ak lwazi pa yo apa.

Dapre direktiv sa a, arèn espò pwofesyonèl yo, estad yo, ak lòt espas yo jwe espò pwofesyonèl yo ki gen kapasite anndan oswa deyò pou kenbe 10,000 patisipan oswa plis ka akeyi konpetisyon espò pwofesyonèl lè yo redui kantite fanatik oswa espèktatè yo. Avan arèn, estad ak espas sa yo akeyi konpetisyon ak fanatik oswa espèktatè, yo dwe soumèt yon plan pou espas la ak evènman an nan Depatman Sante Eta New York (New York State Department of Health, DOH) la, ki gen ladan mezi ak/oswa resous presi ki gen an plas pou satisfè nòm yo ki preskri nan direktiv sa a an rapò ak tès/vaksinasyon/depistaj sante, distans sosyal, kachnen, depasman kontwòl, ijyèn men, netwayaj ak dezenfeksyon, ak kominikasyon. Apre DOH fin resevwa plan pou espas la ak evènman an, yo ka mande enfòmasyon anplis ak/oswa yo ka fè yon enspeksyon sou lèye oswa a distans avan yo apwouve demann pou akeyi konpetisyon ak fanatik oswa espèktatè yo. Si gen chanjman materyèl ki fèt nan plan pou espas ak evènman an, yo dwe soumèt yo ankò pou revizyon. Pou chak evènman, arèn, estad, ak lòt espas evènman yo apwouve, yo dwe soumèt detay evènman an bay DOH omwen 5 jou avan dat evènman an, epi detay sa yo dwe gen ladan men pa sèlman (1) enfòmasyon pou kontakte Pati Responsab yo, (2) non evènman an, (3) adrès evènman an, (4) dat ak lè evènman ap fèt la, (5) kantite tan yo estime evènman ap dire, (6) kantite fanatik oswa espèktatè yo prevwa ap vin nan evènman an, ak (7) kantite anplwaye yo prevwa ki pral travay nan evènman an, ki gen ladan anplwaye espas evènman an yo, kontraktè yo ak vandè yo.

An vigè apati 1ye avril 2021, arèn yo, estad yo, ak lòt espas yo jwe espò pwofesyonèl yo ki gen kapasite anndan pou kenbe ant 1,500 a 9,999 patisipan oswa kapasite deyò pou kenbe ant 2,500 a 9,999

patisipan ka akeyi konpetisyon espò pwofesyonèl lè yo redui kantite fanatik oswa espektatè yo. Avan arèn, estad ak espas sa yo akeyi konpetisyon ak fanatik oswa espektatè, yo dwe soumèt yon plan pou espas la ak evènman nan depatman sante konte oswa otorite sante piblik lokal yo, ki gen ladan mezi ak/oswa resous presi ki gen an plas pou satisfè nòm yo, ki preskri nan direktiv sa a, an rapò ak tès/vaksinasyon/depistaj sante, distans sosyal, kachnen, deplasman kontwòl, ijyèn men, netwayaj ak dezenfeksyon, ak kominikasyon. Apre fonksyonè sante lokal yo fin resevwa plan pou espas la ak evènman an, yo ka mande enfòmasyon anplis ak/oswa yo ka fè yon enspeksyon sou lèye oswa a distans avan yo apwouve demann pou akeyi konpetisyon ak fanatik oswa espektatè yo. Si gen chanjman materyèl ki fèt nan plan pou espas ak evènman an, yo dwe soumèt yo ankò pou revizyon. Pou chak evènman, arèn, estad, ak lòt espas evènman yo apwouve, yo dwe soumèt detay evènman an bay otorite sante lokal yo omwen 5 jou avan dat evènman an, epi detay sa yo dwe gen ladan men pa sèlman (1) enfòmasyon pou kontakte Pati Responsab yo, (2) non evènman an, (3) adrès evènman an, (4) dat ak lè evènman ap fèt la, (5) kantite tan yo estime evènman ap dire, (6) kantite fanatik oswa espektatè yo prevwa ap vin nan evènman an, ak (7) kantite anplwaye yo prevwa ki pral travay nan evènman an, ki gen ladan anplwaye espas evènman an yo, kontraktè yo ak vandè yo.

Pwopriyete yo, operatè yo, manadjè yo, anplwaye ekip yo, anplwaye espas evènman yo, ak nenpòt lòt moun k ap patisipe nan dewoulman konpetisyon espò pwofesyonèl yo ak fanatik oswa espektatè yo dwe konsilte direktiv DOH preskri prezizeman pou endistri yo a kote sa apwopriye. Prezizeman, nenpòt aktivite k ap fèt nan biwo yo dwe fèt annakò ak "Direktiv Pwovizwa pou Biwo yo Pandan Ijans Sante Piblik COVID-19" (Interim Guidance for Offices During the COVID-19 Public Health Emergency) DOH la; nenpòt aktivite k ap fèt nan etablisman antrènman pou espò pwofesyonèl yo dwe fèt annakò ak "Direktiv Pwovizwa pou Etablisman Antrènman pou Espò Pwofesyonèl yo Pandan Ijans Sante Piblik COVID-19" (Interim Guidance for Professional Sports Training Facilities During the COVID-19 Public Health Emergency) DOH la; nenpòt aktivite ki gen rapò ak terapi masaj oswa espa dwe fèt annakò ak "Direktiv Pwovizwa pou Sèvis Swen Pèsonèl yo Pandan Ijans Sante Piblik COVID-19" (Interim Guidance for Personal Care Services During the COVID-19 Public Health Emergency) DOH la; nenpòt aktivite ki gen rapò ak sèvis manje yo dwe fèt annakò ak "Direktiv Pwovizwa pou Sèvis Manje yo Pandan Ijans Sante Piblik COVID-19" (Interim Guidance for Food Services During the COVID-19 Public Health Emergency) DOH la; epi nenpòt aktivite ki gen rapò ak magazen detayan yo, tankou vann machandiz, dwe fèt annakò ak "Direktiv Pwovizwa pou Aktivite Biznis Esansyèl ak Magazen Detayan IIyèm Faz yo Pandan Ijans Sante Piblik COVID-19" (Interim Guidance for Essential and Phase II Retail Business Activities During the COVID-19 Public Health Emergency) DOH la.

Direktiv sa yo se egzijans minimòm yo ye sèlman epi responsab nenpòt ekip espò pwofesyonèl, arèn, estad, oswa lòt espas yo jwe espò pwofesyonèl lib pou yo pran plis prekosyon oswa mete plis restriksyon. Rekòmandasyon sa yo baze sou pi bon pratik sante piblik nou konnen yo nan moman piblikasyon an, epi dokimantasyon ki sèvi kòm baz pou rekòmandasyon sa yo kapab chanje epi yo chanje souvan. Pati Responsab yo – jan yo defini anba la – responsab pou yo respekte tout egzijans lokal, eta ak federal yo ki gen rapò ak aktivite espò pwofesyonèl yo ak fonksyonman espas yo jwe espò pwofesyonèl yo. Epitou, Pati Responsab yo responsab pou yo rete okouran de nenpòt dènye mizajou ki fèt nan egzijans sa yo, epi enkòpore yo menm jan nan nenpòt plan sekirite espas ekip espò pwofesyonèl, arèn, ak/oswa estad (yo).

Enfòmasyon Jeneral

Nan dat 7 mas 2020, Gouvènè Andrew M. Cuomo te pibliye "Dekrè Egzekitif 202", ki deklare yon katastwòf nan eta an repons a ijans sante piblik COVID-19 la. Depi 15 me 2020, Eta New York te devlope ak deplwaye yon estrateji reyouvèti ekonomik pa faz ki baze sou lasyans ak done, sa ki te pèmèt deserè endistri presi reprann oswa ogmante aktivite yo ak operasyon yo nan fason sekirite pandan y ap pwoteje sante piblik pandan pandemi COVID-19 la.

Anplis de nòm ki annapre la yo, tout ekip espò pwofesyonèl yo, arèn yo, ak estad yo dwe kontinye respekte enstriksyon ak direktiv DOH preskri yo pou kenbe anviwònman travay yo pwòp ak an sekirite.

Tanpri sonje ke kote direktiv ki nan dokiman sa a diferan de lòt direktiv ki nan lòt dokiman ke Eta New York te pibliye, yo dwe aplike direktiv ki pi resan an.

Nòm pou Dewoulman Konpetisyon Espò Pwofesyonèl nan Fason Responsab avèk Fanatik yo nan Eta New York

Pa gen okenn Konpetisyon Espò Pwofesyonèl ki ka fèt ak fanatik oswa espektatè yo san yo pa ranpli nòm minimòm Eta preskri yo, ansanm ak egzijans federal ki aplikab yo, ki gen ladan men pa sèlman nòm minimòm Lwa an Favè Ameriken ki gen Andikap yo (Americans with Disabilities Act, ADA), nòm Sant pou Kontwòl ak Prevansyon Maladi a (Centers for Disease Control and Prevention, CDC), Ajans Pwoteksyon Anviwònman la (Environmental Protection Agency, EPA), ak Administrasyon Sekirite ak Sante nan Travay (Occupational Safety and Health Administration, OSHA) nan Deptaman Travay Etazini an (Department of Labor, DOL) preskri yo.

Nòm Eta a preskri nan direktiv sa a aplike pou tout konpetisyon espò pwofesyonèl k ap dewoule an prezans fanatik oswa espektatè yo pandan ijans sante piblik COVID-19 la jiskaske Eta a anile oswa modifiye yo. Anplis nòm sa yo, aktivite espò pwofesyonèl yo dwe respekte direktiv pou retounen jwe oswa rekòmandasyon lig oswa òganis reglemantasyon respektif yo adopte yo. Pwopriyete ak/oswa responsab jesyon ekip espò pwofesyonèl oswa arèn espò pwofesyonèl, estad, oswa lòt espas pou jwe espò pwofesyonèl yo (nan nenpòt ka yo refere a yo kòm, "Pati Responsab yo"), dwe responsab pou yo satisfè tout nòm sa yo.

Piske konpetisyon espò pwofesyonèl ak fanatik oswa espektatè yo mande patisipasyon divès kalite moun (pa egzanp atlèt yo, kotch yo, antrenè yo, regilatè yo, kwonometrè yo, jij yo, abit yo, anplwaye medikal yo, anplwaye medya yo, anplwaye espas evènman yo, kontraktè yo, anplwaye sekirite yo, vandè yo), dokiman sa a ap refere a tout moun ki ka nesese pou prezante, akeyi, ak lè sa aplikab, difize yon konpetisyon espò pwofesyonèl an prezans fanatik oswa espektatè yo kòm "anplwaye ekip, atlèt, ak anplwaye espas evènman" yo, sof lè gen endikasyon kontrè. Nan kad direktiv sa a, y ap refere a arèn espò pwofesyonèl yo, estad yo, ak lòt espas yo jwe espò pwofesyonèl yo kòm "espas evènman" yo epi y ap refere a fanatik oswa espektatè yo kòm "kliyan" yo.

Yo repati direktiv ki annapre la an twa kategori diferan: moun yo, espas yo, ak pwosesis yo.

I. MOUN YO

A. Distans Fizik

1. Kliyan yo

- Pati Responsab yo dwe asire ke yo redui kantite kliyan ki patisipe nan konpetisyon k ap fèt nan espas anndan oswa deyò yo a pa plis pase 10% kapasite maksimòm pou moun chita pou yon espas evènman ki gen syèj fiks oswa 10% kapasite maksimòm pou yon espas evènman ki gen syèj fleksib selon kantite ki nan sètifika okipasyon an, san konte tout anplwaye ekip yo, atlèt yo, ak anplwaye espas evènman yo.
 - An vigè 1ye avril 2021, yo dwe redui kantite kliyan total ki patisipe nan konpetisyon espò pwofesyonèl k ap fèt nan espas evènman deyò yo a pa plis pase 20% kapasite oswa okipasyon maksimòm lan, jan sa aplikab. Nan yon espas evènman deyò ki pa gen yon kapasite oswa okipasyon limit ki tabli, Pati Responsab yo dwe limite kapasite a pa plis pase 1 kliyan pou chak 100 pye kare oswa yon gwoup ki gen 4 kliyan pou chak 250 pye kare, eksepte anplwaye ekip yo, atlèt yo, ak anplwaye espas evènman yo.

- Pati Responsab yo dwe asire ke yo otorize tout kliyan yo antre nan espas evènman an sèlman si yo mete yon kachnen ki akseptab pandan tout tan; byenke, pakont, kliyan yo ka retire kachnen yo lè yo chita nan syèj/espas yo mete yo a pou yo manje oswa bwè. Egzijans pou mete kachnen an aplike pou nenpòt kliyan ki gen plis pase dezan epi ki kapab tolere yon kachnen san pwoblèm medikal.
 - Pami kachnen ki akseptab pou COVID-19 gen ladan men pa sèlman kachnen an twal pou kouvri figi ak mask jetab ki kouvri ni bouch la ni nen an.
 - Toutfwa, kachnen moso twal, ki jetab, oswa lòt kachnen ki fèt lakay yo pa kachnen ki akseptab pou aktivite nan espas travay ki jeneralman mande pou gen byen plis pwoteksyon pa mwayen ekipman pwoteksyon pèsònèl (PPE) akòz nati travay la. Pou aktivite sa yo, yo dwe kontinye itilize respiratè N95 oswa lòt PPE yo konn itilize selon nòm aktyèl endistri a, annakò ak direktiv OSHA preskri yo.
 - Yo dwe aplike egzijans kachnen an nan yon fason ki respekte lwa federal ADA a ak Lwa sou Dwa Moun (Human Rights Law) Eta ak Vil New York la, jan sa aplikab.
- Pati Responsab yo dwe asire ke tout kliyan yo rete nan yon distans omwen sis pye youn de lòt toutan, eksepte moun ki se manm menm gwoup/fwaye/fanmi pwòch.
 - Kote sa pratik, Pati Responsab yo dwe rekòmande pou moun ki nan diferan gwoup/fwaye/fanmi yo rete nan yon distans omwen nèf a douz pye youn de lòt. Egzijans distans ki plis pase sis pye yo pral ede Pati Responsab yo asire plis kontwòl sou deplasman nan espas evènman an epi ede asire konfòmite ak aplikasyon direktiv sa a.
 - Pati Responsab yo dwe asire kliyan yo ki pa nan menm gwoup/fwaye/fanmi rete nan distans apwopriye lè yo nan nenpòt espas kote moun ka rasanble an gwoup (pa egzanp espas pakin yo, liy/espas datant yo, pwèn antre/sòti yo, lòbi yo, gran sal yo, salon yo, espas vizyalizasyon yo).
 - Pati Responsab yo dwe tabli pwotokòl presi pou espas evènman an pou yo ka asire ke kliyan ki pa nan menm gwoup/fwaye/fanmi yo rete nan distans apwopriye lè yo ap pakin, antre, enskri, nan entèmasyon/poz nan match yo, ak lè y ap sòti (pa egzanp, ouvri ase pötay, deplwaye plasè yo pou oryante sikilasyon, itilize vag tanporèl pou fè moun antre ak/oswa asiyen pötay yo, chanje espas pakin yo pou kite plis espas ant machin yo).
- Pati Responsab yo dwe elabore yon aranjman pou espektatè yo chita ki asire gen omwen yon distans sis pye ant kliyan yo ki pa nan menm gwoup/fwaye/fanmi pwòch. Kote sa pratik, Pati Responsab yo dwe konsidere kite distans anplis ant nèf ak douz pye ant gwoup/fwaye/fanmi yo.
 - Pati Responsab yo dwe egzije kliyan yo pou yo fè rezèvasyon epi make syèj yo kòm rezève avan yo antre nan espas evènman an pou asire yo respekte egzijans distans yo.
 - Anndan yon ranje, Pati Responsab yo dwe limite espas pou moun chita nan fason pou gen omwen de syèj vid ant chak gwoup kliyan yo sof si espas evènman gen syèj ki natirèlman gen yon distans sis pye ant syèj yo.
 - Pati Responsab yo dwe limite espas pou moun chita ki gen aranjman tradisyonèl yo nan fason pou gen yon ranje vid ant chak ranje yo sof si espas evènman natirèlman kite yon distans sis pye ant ranje yo.
 - Pati Responsab yo dwe ankouraje kliyan yo pou yo rete chita lè konpetisyon an kòmanse, sof si kliyan yo ap deplase pou yo al nan twalèt, achte oswa pran atik nan espas konsesyon oswa magazen (yo), oswa kite espas evènman an. Pa plede pwonmennen nan espas kominotè yo.
 - Kote sa posib, Pati Responsab yo dwe minimize kantite gwoup ki gen nan chak ranje pou evite kontak pwòch lè moun yo ap kite chèz yo pou y al nan twalèt la oswa pou y al nan zòn konsesyon an.

- Anplis de sa, Pati Responsab yo dwe konsidere faktè ki annapre la yo lè y ap elabore aranjman pou espektatè yo chita:
 - Kliyan yo dwe nan yon distans 12 pye oswa mete yon baryè fizik apwopriye pou separe yo de tèren match la kote anplwaye ekip la ak atlèt yo ye a.
 - Yo dwe mete syèj yo disponib an ti gwoup oswa "blòk" ki pèmèt manm ki nan menm gwoup/fwaye/fanmi yo chita ansanm epi rete nan yon distans apwopriye de lòt gwoup kliyan yo.
 - Kote sa aplikab, swit ak tribin rezève yo dwe gen limit kapasite presi pou kantite kliyan yo ka gen ladan yo (sa vle di mwenske 10 moun oswa 25% kapasite okipasyon maksimòm espas sa a).
- Pati Responsab yo dwe gen ase anplwaye an plas pou oryante oswa gide kliyan yo al nan syèj yo pou asire yo respekte egzijans distans sosyal yo ak evite nenpòt rasanbleman foul ki pa nesèsè.
 - Kote sa aplikab, nou ankouraje Pati Responsab yo pou yo kite ase limyè limen nan espas evènman an pou kantite tan sa posib anvan konpetisyon an pou kliyan yo ka chita selon egzijans distans sosyal yo.
- Kote li pa posib pou gen yon distans sis pye ant anplwaye espas evènman yo ak kliyan yo, Pati Responsab yo dwe mete baryè fizik ant anplwaye yo ak kliyan yo (pa egzanp, nan kyòsk tikè yo, kès yo, konsesyon yo, ak estasyon pou pran tikè yo).
 - Si yo itilize yo, yo dwe mete baryè fizik yo an plas annakò ak with direktiv OSHA yo.
 - Chwa pou baryè fizik yo ka gen ladan: rido an band, kabin, pleksiglas oswa materyèl parèy yo, oubyen lòt separatè oswa klwazon enpèmeyab.
- Pati Responsab yo dwe konsidere fèmèn nenpòt espas rasanbleman pou eksperyans kliyan/fanatik yo ki poze risk pou kliyan yo rasanble an foul ak antremele touswit avan, pandan, ak apre match yo. Pati Responsab yo dwe elimine nenpòt espas pou moun pase "sou tèren" an avan oswa apre match la ke yo konn mete disponib pou kliyan yo ak/oswa lòt moun ki pa esansyèl pou operasyon ak aktivite espò pwofesyonèl yo pase nòmalman.
- Pati Responsab yo dwe dekouraje kliyan yo pou yo pa rasanble an foul deyò espas evènman an touswit avan oswa apre match la, nan mezi sa pratik, epi yo dwe aplike yon plan sekirite pou dispèse moun ki rasanble deyò toupre espas evènman an epi k ap vyole egzijans distans sosyal yo (pa egzanp moun k ap fè fèt avan match la yo).
- Pou evènman ki mande pou sekirite tcheke sak yo oswa pou yo fè lòt enspeksyon sekirite nan atik pèsònèl yo, Pati Responsab yo dwe aplike yon restriksyon sou sak yo, oswa mande kliyan yo pou yo vin avèk atik yo nan sak transparan pou liy lan ka mache pi rapid epi evite anplwaye yo gen kontak ak atik pèsònèl yo souvan.
- Pati Responsab yo ka konsidere fèmèn nenpòt espas kominotè nan espas evènman ki ankouraje moun rasanble an gwoup (pa egzanp syèj pataje, ban, kanape yo). Si espas sa yo ta rete ouvè, Pati Responsab yo dwe modifiye fason yo ranje syèj yo (pa egzanp, chéz yo, ban yo) pou asire ke kliyan yo oswa gwoup kliyan yo rete nan yon distans omwen sis pye nan tout direksyon (pa egzanp, lè youn akote lòt ak lè yo fas a fas).
- Pati Responsab yo dwe pran mezi pou redui sikilasyon a pye nan toude direksyon lè yo itilize tep oswa pano ak flèch nan ale ki etwat yo (pa egzanp ant de ranje syèj), koulwa yo, oswa espas yo, epi afiche pano ak makè distans ki endike espas sis pye nan tout espas kominotè yo itilize souvan yo ak nenpòt espas ki gen liy moun k ap tann souvan oswa kote moun ka rasanble (pa egzanp, lòbi yo, twalèt yo, asansè yo, pwèn antre ak sòti yo, estasyon tikè yo, biyetri yo, estasyon depistaj sante yo).

- Kote sa posib, Pati Responsab yo ta dwe mete makè oswa baryè pou ankouraje sikilasyon nan yon sèl direksyon.
- Pati Responsab yo dwe make zòn yo pou gen distans sis pye nan zòn ki konn gen anpil abouteyaj yo (pa egzanp, zòn ki gen syèj pataje nan lòbi yo, espas kote machandiz yo ye nan magazen yo).
- Pati Responsab yo dwe konsidere mete pano ak makè deyò ak anndan espas evènman an pou kreye sikilasyon a pye nan yon sèl direksyon pou fasilite ak asire distans sosyal lè yo antre ak sòti, ansanm ak lè y ap travèse nenpòt gran sal prensipal ak espas kote gen anpil moun k ap pase yo.
- Pati Responsab yo dwe entèdi "fèt avan match" ak lòt rasanbleman ki pa otorize nan oswa ozalantou lokal la avan oswa apre evènman an. Yo pa dwe ouvri zòn pakin nan espas evènman an yo pandan plis pase dezèdtan avan nenpòt evènman an pou dekouraje aktivite k ap rasanble moun sa yo.
- Pati Responsab yo dwe dekouraje nenpòt kontak fizik ki pa nesèsè pami kliyan yo ki pa manm menm gwoup/fwaye/fanmi pwòch.
- Pati Responsab yo dwe tabli yon sistèm pou fè respekte egzijans yo ki nan direktiv sa a, ki gen ladan men pa sèlman egzijans kachnen ak distans sosyal. Sistèm konfòmitè sa a dwe presize sanksyon y ap bay kliyan yo si yo ta vyole yo (pa egzanp, yo otorize bay yon avètisman pou mete kachnen avan yo mete moun deyò nan espas evènman).

2. Anplwaye Ekip yo, Atlèt yo, ak Anplwaye Espas Evènman yo

- Pati Responsab yo dwe asire ke anplwaye ekip yo, atlèt yo, ak anplwaye espas evènman yo pratike distans fizik lè yo rete nan yon distans omwen sis pye de lòt moun oswa gwoup moun, sitou lè yo kanpe nan liy, lè y ap itilize asansè yo oswa eskalatè yo, oswa lè y ap deplase ozalantou pwopriyete a, nan mezi sa posib, epi malgre pwoksimite oswa kontak ki ka genyen pandan dewoulman konpetisyon an oswa lòt aktivite prensipal yo. Piske gen sèten fonksyon ak aktivite prensipal k ap fèt nan espas evènman espò pwofesyonèl yo ki mande pou moun vin nan lespas sis pye de lòt moun, yo dwe idantifye fonksyon sa yo epi mete yon pwotokòl an plas pou redui risk pou moun k ap afekte yo.
- Pati Responsab yo dwe asire ke y ap kite anplwaye ekip yo, atlèt yo, ak anplwaye espas evènman yo antre nan espas evènman an sèlman si yo mete yon kachnen akseptab toutan, eksepte pou atlèt yo lè y ap fè antrènman, echofman, oswa patisipe nan konpetisyon an ak anplwaye medya difizyon yo lè sa nwi aktivite prensipal la. Atlèt yo dwe mete yon kachnen pandan yo sou ban ak liy touch yo ak lè yo p ap jwe aktivman nan match la. Toutfwa, atlèt ki sou ban ak liy touch yo k ap rekipere apre yo fenk kite tèren an, k ap prepare pou ranplase yon lòt jwè nan match la, oswa ke yo asiyen a yon inite ekip la k ap prepare pou l antre oswa ki aktyèlman sou tèren jwèt la pa oblije swiv egzijans sa a.
- Pati Responsab yo dwe mete an plas pwotokòl pou anplwaye ekip yo ak atlèt yo pou yo limite itilizasyon espas pataje moun itilize souvan yo tankou vestyè yo, twalèt yo, salon yo, ban ekip yo, oswa espas parèy yo ki pèmèt yo rete nan distans sosyal kòm sadwa lè yo pa sou tèren jwèt la.
- Pati Responsab yo dwe asire gen yon espas sis pye ant tout kazyè atlèt yo pou adapte pou distans sosyal.
- Pati Responsab yo dwe limite kantite moun yo otorize sou tèren an oswa toupre tèren jwèt la a sèlman atlèt yo ak anplwaye ekip la yo k ap patisipe nan match la (pa egzanp, antrenè yo), ak lòt anplwaye esansyèl ke Pati Responsab yo jije nesèsè.

- Pati Responsab yo dwe konsidere tabli yon sistèm a nivo pou kontwole mouvman ak aksè anndan espas evènman an pou tout anplwaye esansyèl yo (pa egzanp, moun ki nan nivo 1, 2, 3 ak dwa daksè ki asosye ak nivo sa a anndan espas evènman an).
- Pati Responsab yo dwe asire ke anplwaye ekip yo ak atlèt ki sou ban ak liy touch yo rete nan yon distans sis pye youn de lòt pou asire distans sosyal kòm sadwa toutan ak pou minimize rasanbleman lè anplwaye ekip yo ak atlèt yo sou ban ak liy touch yo. Ekip yo ka konsidere itilize syèj oksilyè (pa egzanp, yon ranje graden vid) pou akonpli egzijans distans sosyal sa a depi gen yon espas 12 pye oswa yon baryè fizik apwopriye pou separe kliyan yo ak anplwaye ekip yo ak atlèt yo.
- Pati Responsab yo dwe asire gen distans sosyal kòm sadwa pandan tout vwayaj ale-retou ekip la nan espas evènman an (pa egzanp, nan bis ak avyon ekip yo), nan mezi sa posib. Tout moun dwe mete kachnen yo kòm sadwa lè yo nan transpò komen.
- Pati Responsab yo dwe tabli pòtay dantre (yo) apa pou anplwaye ekip yo ak atlèt yo antre nan espas evènman an pou limite antremele ak rasanbleman ak kliyan yo ak anplwaye espas evènman yo ak pou fasilite depistaj sante.
- Pati Responsab yo dwe asire ke yo otorize sèlman anplwaye esansyèl ekip yo ak atlèt yo nan espas yo deziyen pou ekip yo (pa egzanp vestiyè yo, salon atlèt yo, espas antrènman yo, zòn medikal atlèt yo). Yo pa dwe kite anplwaye medya yo antre nan espas sa yo ki rezève pou ekip yo.
- Pati Responsab yo dwe asire ke entèraksyon medyatik yo, ki gen ladan entèvyou apre match yo, respekte distans sosyal kòm sadwa ak/oswa separe ak baryè fizik yo toutan.
- Pati Responsab yo dwe dekouraje nenpòt kontak fizik ki pa nesèsè ki pa nòmalman esansyèl nan kad aktivite espò pwofesyonèl yo pami anplwaye ekip yo, atlèt yo, ak anplwaye espas evènman yo.
- Nan mezi sa posib, Pati Responsab yo dwe ranje dispozisyon fizik nan espas travay fiks yo pou asire gen distans apwopriye ant anplwaye ekip yo ak anplwaye espas evènman yo.
 - Pati Responsab yo dwe pèmèt pou gen espas ant anplwaye medya ki sou plas yo lè yo anndan espas evènman an pou limite rasanbleman nan espas kote pa gen mwayen pou yo rete nan distans apwopriye oswa adapte ak baryè fizik yo (pa egzanp, kabin difizyon, sal medya yo).
- Pati Responsab yo ka modifiye itilizasyon ak/oswa limite kantite espas travay yo ak espas kote anplwaye yo chita, pou anplwaye ekip yo ak anplwaye evènman yo ka gen omwen distans sis pye youn de lòt nan tout direksyon yo (pa egzanp, lè youn akote lòt ak lè youn anfas lòt) epi pou yo pa pataje espas travay yo san yo pa netwaye oubyen dezenfekte yo apre yo fin itilize yo. Lè pa gen mwayen pou kite distans ant espas travay yo, Pati Responsab yo kapab mete baryè fizik yo, tankou mi pwoteksyon an plastik nan zòn kote yo p ap afekte sikilasyon lè, chofaj, klimatizasyon, oswa vantilasyon, oswa yo pa poze yon risk pou sante oswa sekirite.
- Pati Responsab yo pa dwe kite plis ke yon moun alafwa itilize ti espas piti yo (pa egzanp, asansè yo, sal ekipman yo, zòn mekanik yo, dèyè kès anrejistrez yo, depo yo), amwenske tout moun ki nan espas sa a an menm tan mete kachnen ki akseptab yo. Toutfwa, menm si yo mete kachnen pa dwe janm gen plis pase 50% kantite moun ki ka gen nan espas la omaksimòm, sof si li fèt pou se yon sèl moun ki ka itilize l alafwa. Pati Responsab yo ta dwe ogmante vantilasyon ak lè deyò k ap antre nan espas sa yo nan mezi sa posib (pa egzanp, ouvri fenèt yo ak pòt yo), pandan y ap swiv pwotokòl sekirite yo.
 - Pati Responsab yo ta dwe pran mezi anplis pou anpeche moun rasanble an foul kote y ap tann asansè yo ak limite kantite moun ki anndan asansè yo alafwa, tankou pèmèt yo itilize eskalye yo.

- Pati Responsab yo ta dwe konsidere asiyen anplwaye espas evènman yo an pè oswa an ti gwoup fiks (sa vle di, an kòwòt) pou limite kantite kontak pwòch oswa dirèk yo, kote sa posib, sitou pou anplwaye antretyen ak netwayaj yo.
- Pati Responsab yo dwe afiche pano toupato nan espas evènman yo, ki konfòm ak afichaj DOH pibliye pou COVID-19 yo. Pati Responsab yo ka devlope epi itilize afichaj presi ki adapte pou espas oswa anvivònman travay yo, depi pano sa a konfòm ak afich Depatman an. Yo dwe itilize afich yo pou raple moun yo pou yo:
 - Rete lakay yo si yo santi yo malad.
 - Kouvri nen yo ak bouch yo ak yon kachnen toutan, eksepte pandan y ap manje oswa bwè nan syèj kote yo mete yo chita.
 - Respekte egzijans konsèy pou vwayaj DOH preskri yo.
 - Byen konsève epi, lè sa nesèsè, jete PPE yo, ki gen ladan kachnen yo, kòm sadwa.
 - Respekte direktiv sou distans fizik yo.
 - Rapòte sentòm, oswa ekspozisyon a COVID-19 yo, ak fason pou yo fè sa.
 - Swiv konsiy ijyèn men ak netwayaj ak dezenfeksyon yo.
 - Swiv ijyèn respirasyon ak konsiy sou fason pou touse yo kòm sadwa.

B. Rasanbleman nan espas fèmen

- Lè sa nesèsè, Pati Responsab yo dwe limite rasanbleman an pèsòn yo (pa egzanp, reyinyon anplwaye yo, ti reyinyon apre antrènman yo) nan mezi sa posib epi yo dwe itilize lòt metòd tankou konferans nan videyo oswa telekonferans annakò ak direktiv CDC preskri nan "Direktiv Pwovizwa pou Biznis ak Anplwaye yo Planifye ak Reponn a Maladi Kowonaviris 2019 (COVID-19)" (Interim Guidance for Businesses and Employers to Plan and Respond to Coronavirus Disease 2019 (COVID-19)) la. Lè videyokonferans oswa telekonferans pa posib, Pati Responsab yo ta dwe asire ke yo fè yon reyinyon yo nan espas ouvè, ki byen ayere epi asire ke moun yo rete nan distans sis pye youn de lòt pou respekte distans sosyal (pa egzanp, si gen chèz, kite espas ant chèz yo oswa kite yon chèz vid ant moun yo lè yo chita), eksepte si se antrènman oswa konpetisyon espò pwofesyonèl yo.
- Pati Responsab yo ta dwe ankouraje distans sosyal lè yo mete limit sou kantite moun ki ka gen nan espas yo oswa fèmen enstalasyon ak espas kominotè ki pa esansyèl yo ki pa pèmèt yo respekte pwotokòl distans sosyal yo. Si yo ouvè yo, Pati Responsab yo dwe mete dezenfektan pou men oswa sèvyèt dezenfektan disponib toupre enstalasyon sa yo (pa egzanp, distribitè otomatik yo, estasyon kafe kominotè, sal poz yo).
- Pati Responsab yo dwe mete ase pratik distans sosyal an plas nan ti espas piti yo, tankou nan twalèt yo ak sal repo yo, epi yo dwe elabore afich ak sistèm (pa egzanp, siyale lè espas sa yo gen moun) pou redui okipasyon lè yo pa ka respekte distans sosyal nan espas sa yo.
- Kote sa posib, Pati Responsab yo ta dwe aplike pi bon pratik pou itilize twalèt kominotè yo, ki gen ladan men pa sèlman:
 - enstale baryè fizik ant twalèt yo ak lavabo yo, si yo pa ka gen separasyon sis pye a (pa egzanp, fèmen lòt kabin twalèt oswa lavabo a pou moun pa itilize l);
 - itilize distribitè savon san kontak yo;
 - itilize distribitè papye ijyenik san kontak olye yo itilize sechwa a lè yo; epi

- enstale afich apwopriye pou ankouraje restriksyon sou kantite moun ki ka gen nan twalèt yo ak pou yo rete a distans pandan y ap tann pou yo antre.
- Nan limit sa posib, Pati Responsab yo dwe repati orè yo pou anplwaye ekip yo ak anplwaye espas evènman yo pou yo kapab respekte distans sosyal pou tout rasanbleman (pa egzanp, pandan poz kafe yo, antrènman yo, repa yo, kòmansman/fen peryòd travay yo).

C. Aktivite Operasyonèl

- Lè sa pratik, Pati Responsab yo dwe konsidere redui oswa elimine antrak (yo) oswa poz match (yo) k ap afiche divètisman oswa atraksyon akseswa yo pou redui kantite deplasman san kontwòl kliyan yo fè nan espas evènman an.
- Piske aktivite tankou chante, rele, pwojete vwa fò, oswa jwe enstriman a van yo poze plis risk ki ka potansyèlman lakoz plis pwodiksyon goutlèt respiratwa yo, Pati Responsab yo dwe konsidere fason pou yo redui kantite pwogramasyon ki ka pwodui anpil ayewosòl yo nan moman sa a oswa mete mezi rediksyon risk apwopriye yo sou pye (pa egzanp, kite plis espas ant moun yo, PPE, oswa tè).
 - Pati Responsab yo dwe redui patisipasyon espektatè yo lè yo egzije kliyan yo pou yo rete chita (eksepte lè y ap antre/sòti, al nan twalèt, ak/oswa al nan konsesyon yo).
- Pati Responsab yo dwe asire ke tout anplwaye ekip yo, atlèt yo, ak anplwaye espas evènman yo resevwa fòmasyon sou sekirite nan kad COVID-19, ijyèn men ak ijyèn respiratwa apwopriye, ak pwotokòl netwayaj ak dezenfeksyon yo.
- Pati Responsab yo dwe pran mezi pou redwi kontak ak rasanbleman entèpèsònèl yo, gras a metòd tankou:
 - evite moun prezante an pèsòn eksepte sèlman manm anplwaye yo ki bezwen la pou monte sèn, adapte, ak difize yon konpetisyon an prezans espektatè;
 - ajiste orè espas tavay yo;
 - chanje konsèp yo (pa egzanp, ekip A/B, dekale lè arive/depa yo pou anplwaye espas evènman yo);
 - bay travay ki pèmèt distans sosyal yo plis priyorite pase sila ki pa pèmèt sa;
 - evite gen plizyè gwoup ak/oswa ekip travay menm kote lè w repati travay ki pwograme yo an echelon epi itilize afich ki endike zòn ki okipe yo (pa egzanp, ekip antretyen yo); ak/oswa
 - elabore pwotokòl pou fè respekte distans sosyal pandan y ap itilize ekipman pataje yo, tankou telefòn yo ak radyo yo, ansanm mikwo yo, fotokopyè yo, enprimant yo, kès yo, ak pou yo netwaye ak dezenfekte ekipman pataje yo chak fwa yo fin itilize yo ak/oswa ankouraje moun k ap itilize yo pou yo mete gan jetab nan men yo.
- Kote sa aplikab, Pati Responsab yo dwe repati lè evènman k ap fèt youn apre lòt yo an echelon epi kite ase tan ant evènman yo pou evite foul moun rasanble nan sòti ak antre yo ak pou asire yo byen netwaye ak dezenfekte espas evènman apre evènman yo fini.
- Nan moman sa a, Pati Responsab yo dwe entèdi tout enteraksyon kontak dirèk, pwòch ant kliyan yo ak atlèt yo (pa egzanp, otograf, distribisyon ekipman espòtif yo te "mete pandan match la").
- Pati Responsab yo ka ouvri espas sèvis manje anndan ak deyò yo swivan konfòmite estrik direktiv ki dekri nan "[Direktiv Pwovizwa pou Sèvis Manje Pandan Ijans Sante Piblik COVID-19](#)" (Interim Guidance for Food Services During the COVID-19 Public Health Emergency) DOH la pou tout

restoran, bar, ak/oswa konsesyon ki nan arèn, estad, oswa espas evènman yo, ki gen ladan nenpòt separasyon ki dwe genyen an tab moun chita ak distans sosyal ant gwoup kliyan yo. Toutfwa, kèlkeswa kote direktiv sa a aplike nòm ki pi estrik yo (pa egzanp, limit kapasite, egzijans kachnen yo), Pati Responsab yo dwe respekte direktiv sa a.

- Dapre direktiv ki dekri anwo a, Pati Responsab yo dwe sispann ofri manje ak bwason kote moun sèvi pwòp tèt yo (pa egzanp, kondiman yo, soda), epi kite se anplwaye yo sèlman ki pou sèvi moun manje ak bwason nan zòn konsesyon yo.
- Pati Responsab yo ta dwe asire ke yo sèvi manje ak bwason yo nan veso ki anbale oswa ranpli davans, kote sa posib, epi pou moun pa pataje yo.
- Pati Responsab yo dwe respekte nenpòt kouvrefe ki aplikab sou sèvis manje ak bwason yo; apati 18 mas 2021, sèvis manje ak bwason sa yo dwe sispann aktivite yo a 11:00 PM oplita.
- Pati Responsab yo dwe aplike pwotokòl sekirite yo pou asire ke espas evènman yo p ap itilize pou konpetisyon espò pwofesyonèl yo rete fèmèn pou kliyan pa antre pou entèdi rasanbleman deyò espas kontwole yo epi asire yo respekte pwotokòl distans sosyal yo nan tout espas evènman an.

D. Deplasman ak Kòmès

- Pati Responsab yo dwe asire ke tout kliyan yo gen tikè yo, pou yo ka jere restriksyon sou kapasite yo kòm sadwa, planifye ak kontwole deplasman moun yo, ak anpeche rasanbleman ki pa nesèsè toupre pòtay antre/sòti yo.
- Nan mezi sa pratik, Pati Responsab yo dwe bay kliyan yo yon lè presi pou yo antre nan yon pòtay dantre presi pou redui rasanbleman pandan moun ap antre, epi yo dwe kominike enfòmasyon sa a bay envite yo avan yo rive (pa egzanp mete kòd koulè nan tikè yo, enprime enfòmasyon an sou tikè yo, voye enfòmasyon an nan imel oswa mesaj tèks).
- Pati Responsab yo dwe ouvri ase pòtay nan estad/arèn lan pandan moun ap antre ak sòti pou yo ka redui rasanbleman. Pati Responsab yo dwe asire ke tout pòtay ki ouvri yo gen anplwaye pou kontwole deplasman yo.
 - Pati Responsab yo dwe asire ke tout plasè yo oswa anplwaye espas evènman parèy yo disponib pou yo dirije kliyan k ap sòti yo anvè pòtay ki pi pre a pou yo sòti.
- Pati Responsab yo dwe mentni ase anplwaye espas evènman yo (pa egzanp, sekirite, sèvis kliyantèl) sou plas pou yo siveye volim sikilasyon, limite kantite kliyan a kapasite yo otorize a, epi asire ke kliyan yo respekte distans sosyal ak restriksyon pou rasanbleman yo, sitou pandan y ap antre ak sòti.
- Pati Responsab yo dwe konsidere agrandi perimèt ak pòtay dantre yo pou ka gen plis espas pou valide jistifikatif idantite kliyan yo (pa egzanp, valide tikè, prèv rezilta tèst negatif oswa prèv vaksinasyon) epi trete jistifikatif kliyan yo pandan y ap antre pou redui rasanbleman.
- Pati Responsab yo dwe entèdi kliyan yo rasanble ak pwonmennen (pa egzanp, nan zòn konsesyon yo) epi yo dwe gen ase anplwaye espas evènman yo sou plas, ki gen ladan anboche oswa deplwaye anplwaye anplis, pou yo ka anpeche kliyan yo rasanble ak pwonmennen.
- Pati Responsab yo ta dwe limite entèraksyon sou plas yo (pa egzanp, deziyen yon pòtay pou moun yo k ap kite espas evènman an yo ak yon lòt pòtay apa pou moun k ap antre yo) ak deplasman yo (pa egzanp, anplwaye evènman yo ta dwe rete toupre espas travay yo toutotan sa posib).

- Pati Responsab yo dwe make antre ak sòti yo apa byen klè, pou sikilasyon nan yon sèl direksyon, kote sa posib.
- Pati Responsab yo dwe elabore yon plan pou moun yo rete nan yon distans sis pye pou respekte distans sosyal pandan y ap tann anndan oswa deyò espas evènman an pou yo bay prèv nesèsè pou tès dyagnostik oswa jistifikatif vaksinasyon yo. Pati Responsab yo ka itilize repè vizyèl ak/oswa dispozitif pou kontwole liy k ap tann yo (pa egzanp, poto, makè distans liy, flèch).
- Pati Responsab yo ta dwe reyòganize espas kote kliyan yo ap ret tann yo (pa egzanp, liy yo, espas pakin yo) pou mete plis distans sosyal ant kliyan yo epi redui entèraksyon ak lòt moun nan espas la.
- Pati Responsab yo dwe asire ke kliyan/vizitè yo kapab achte tikè yo alavans, pou yo ka jere ak kontwole limit kapasite yo. Pati Responsab yo dwe bay opsyon san kontak pou tcheke tikè yo ak opsyon pou peye alavans (pa egzanp, pòtay anliy, aplikasyon mobil, apèl davans, kòmman pa lapòs oswa pou pase pran tikè a an pèsòn nan yon lè yo pwograme davans) ak itilize opsyon peman san kontak, jan sa disponib, pou redui manyen lajan kach, kat kredi, kat rekonpans, ak aparèy mobil nan men kliyan yo, lè sa posib.
 - Pati Responsab yo dwe asiye syèj yo nan espas evènman an pou kliyan yo annakò ak egzijans ki anwo yo.
 - Pati Responsab yo dwe fè kliyan yo achte tikè yo alavans pou evènman an.
 - Pati Responsab yo dwe mete repè vizyèl (pa egzanp, kòn, makè, pano) pou make sis pye oswa plis distans nan liy pou pase pran tikè yo oswa lè y ap tann nan lòt liy nan espas evènman an.
 - Pati Responsab yo ta dwe evite manyen aparèy oswa objè pataje ant kliyan yo ak anplwaye espas evènman yo pandan anrejistremant (pa egzanp, telefòn yo lè y ap depare pwoblèm tikè nimerik yo).
 - Kote sa posib, Pati Responsab yo dwe ankouraje kliyan yo pou yo fè kòmman manje ak bwason alavans oswa a distans (pa egzanp, nan telefòn, anliy, nan aplikasyon, oswa lòt mwayen kòmman nimerik) nan espas evènman an, epi mete atik yo disponib nan espas yo deziyen pou vin pran yo oswa ofri opsyon livrezon pou kliyan yo.
- Pati Responsab yo dwe deziyen espas pou moun vin pran ak livre atik yo, k ap limite kontak nan mezi sa posib.
- Pou livrezon yo, Pati Responsab yo ta dwe adopte yon sistèm livrezon san kontak kote chofè yo ka rete nan kab machin nan pandan livrezon an ap fèt oswa, kote sa pa ka fèt, Pati Responsab yo dwe bay travayè livrezon yo PPE akseptab ki apwopriye pou aktivite yo prevwa fè yo ki gen ladan, ominimòm, yon kachnen gratis pou anplwaye k ap fè livrezon yo pandan dire pwosesis livrezon an.
- Pati Responsab yo dwe asire ke anplwaye yo pratike ijyèn men anvan ak apre yo transfere yon chay (pa egzanp, ki sòti nan men yon chofè livrezon), (pa egzanp, pratike ijyèn men anvan yo kòmanse chaje atik yo; epi yon fwa ankò lè yo fin chaje tout atik yo, fini pa pratike ijyèn men ankò).
- Pati Responsab yo dwe bay kliyan yo pwogram, depliyon, kat jewografik elatriye pou yo itilize yon sèl fwa oswa ki jetab, si yo itilize atik sa yo; epi mete atik sa yo disponib nan fason dijital pou moun ka wè yo sou aparèy elektwonik pèsònèl yo, lè l pratik pou fè sa a.
 - Si yo pa ka bay atik pou yo itilize yon sèl fwa yo, Pati Responsab yo dwe asire yo netwaye ak dezenfekte objè reyitilizab yo apre chak fwa yo itilize yo.
 - Nou ankouraje Pati Responsab yo pou yo mete pwogram yo ak kat jewografik yo disponib nan fason dijital (pa egzanp, sou telefòn pòtab) lè sa posib, olye yo bay pwogram yo ak kat jewografik an papyè.

- Pati Responsab yo dwe:
 - Fèmen bar ak echantiyonè endepandan kote moun ka sèvi tèt yo pou kont yo ki konn lajman disponib pou kliyan yo.
 - Fèmen tout zòn syèj kominotè yo kote yo pa ka kenbe distans sosyal; epi
 - Fèmen tout zòn machandiz vant an detay yo kote yo pa ka kenbe distans sosyal.

II. ESPAS YO

A. Sistèm Filtrasyon Lè ak Sistèm Bilding yo

Pou espas evènman ki gen espas anndan yo:

- Pati Responsab yo dwe asire filtrasyon sistèm HVAC bilding lan satisfè nivo filtrasyon ki pi eleve ki konpatib ak sipò filtè a ak sistèm tretman lè ki enstale aktyèlman la, ominimòm MERV-13, oswa ekivalan endistri a oswa plis (pa egzanp, HEPA), jan sa aplikab, ak jan yon teknisyen, pwofesyonèl, oswa konpayi HVAC sètifye, pwofesyonèl ASHRAE sètifye, pwofesyonèl remiz an sèvis sètifye, oswa enjenyè konstriksyon ki gen lisans pwofesyonèl New York te sètifye ak dokimante.
 - Eitou, Pati Responsab yo ta dwe konsidere adopte pwotokòl anplis sou rediksyon vantilasyon ak filtrasyon lè dapre rekòmandasyon CDC ak ASHRAE yo, sitou pou bilding ak sistèm tretman lè ki gen plis pase 15 ane yo, tankou:
 - Fè remiz an sèvis nesese nan sistèm santral yo, ansanm ak teste, ekilibre, ak repare jan sa nesese;
 - Ogmante debi vantilasyon yo ak vantilasyon lè ki soti deyò a nan mezi sa posib;
 - Kite sistèm yo mache pandan plis tan, sitou pou plizyè èdtan chak jou anvan ak apre te gen moun nan bilding lan;
 - Dezaktive vantilasyon ki kontwole sou demand, kote sa rezonab, epi kenbe sistèm ki ogmante apwovizyonman lè fre yo;
 - Kenbe yon imidite relativ ant 40-60% kote sa posib;
 - Ouvri klapèt ayerasyon lè deyò yo pou ka redwi oswa anpeche lè a resikile nan mezi sa posib;
 - Sele bò filtè a pou limite pasaj derivasyon;
 - Enspekte sistèm ak filtè yo regilyèman pou asire ke y ap byen mache kòm sadwa, epi filtè yo byen enstale, yo fè sèvis ladan yo epi yo nan limit dire tan sèvis yo kòm sadwa;
 - Ouvè fenèt yo nan limit ki akseptab pou sekirite ak konfò moun ki nan espas la yo;
 - Enstale iradyasyon jèmisid iltravyolèt (UVGI-C, ultraviolet germicidal irradiation) ki fèt ak deplwaye kòm sadwa pou dezaktive patikil viris ki nan lè a yo; ak/oswa
 - Itilize pwodui netwayaj lè pòtab (eg, inite elektrik HEPA), konsidere inite ki bay pi gwo to chanjman lè nan nivo pèfòmans apwopriye epi ki pa jenere sou-pwodui ki danjere.
- Pou espas evènman ki gen sistèm tretman lè santral ki pa ka trete nivo filtrasyon minimòm ki endike anwo a (sa vle di, MERV-13 oswa plis), Pati Responsab yo dwe gen yon teknisyen, pwofesyonèl, oswa konpayi HVAC sètifye, pwofesyonèl ASHRAE sètifye, pwofesyonèl remiz an sèvis sètifye, oswa enjenyè konstriksyon ki gen lisans pwofesyonèl New York ki sètifye epi dokimante ke sipò filtè ki enstale aktyèlman la pa konpatib ak nivo filtrasyon minimòm ki endike anwo a (sa vle di, MERV-13 oswa plis) ak/oswa sistèm tretman lè a p ap ka fonksyone nan fason pou bay nivo minimòm chofaj ak

klimatizasyon ke li te konn bay nan lòt fason anvan ijans sante piblik COVID-19 la si yo te enstale yon filtrasyon wo nivo konsa (sa vle di, MERV-13 oswa plis).

- Anplis, Pati Responsab yo dwe konsève dokiman sa a pou ofisyèl depatman sante eta oswa lokal yo revize pou yo ka opere nan yon to filtrasyon ki pi piti ak pwotokòl anplis pou rediksyon vantilasyon ak filtrasyon lè.
- Anplis de sa, Pati Responsab yo ki gen espas evènman ki gen yon sistèm tretman lè santral ki pa kapab satisfè yon to filtrasyon MERV-13 oswa plis dwe adopte pwotokòl anplis pou rediksyon vantilasyon ak/oswa filtrasyon lè dapre rekòmandasyon [CDC](#) ak [ASHRAE](#) yo, ki gen ladan:
 - Fè remiz an sèvis nesèsè nan sistèm santral yo, ansanm ak teste, ekilibre, ak repare jan sa nesèsè;
 - Ogmante debi vantilasyon yo ak vantilasyon lè ki soti deyò a nan mezi sa posib;
 - Kite sistèm yo mache pandan plis tan, sitou pou plizyè èdtan chak jou anvan ak apre te gen moun nan bilding lan;
 - Dezaktive vantilasyon ki kontwole sou demand, kote sa rezonab, epi kenbe sistèm ki ogmante apwovizyonman lè fre yo;
 - Kenbe yon imidite relativ ant 40-60% kote sa posib;
 - Ouvri klapèt ayerasyon lè deyò yo pou ka redwi oswa anpeche lè a resikile nan mezi sa posib;
 - Sele bò filtè a pou limite pasaj derivasyon;
 - Enspekte sistèm ak filtè yo regilyèman pou asire ke y ap byen mache kòm sadwa, epi filtè yo byen enstale, yo fè sèvis ladan yo epi yo nan limit dire tan sèvis yo kòm sadwa;
 - Ouvè fenèt yo nan limit ki akseptab pou sekirite ak konfò moun ki nan espas la yo;
 - Enstale iradyasyon jèmisid iltravyolèt (UVGI-C, ultraviolet germicidal irradiation) ki fèt ak deplwaye kòm sadwa pou dezaktive patikil viris ki nan lè a yo; ak/oswa
 - Itilize pwodui netwayaj lè pòtab (eg, inite elektrik HEPA), konsidere inite ki bay pi gwo to chanjman lè nan nivo pèfòmans apwopriye epi ki pa jenere sou-pwodui ki danjere.
- Pou espas evènman ki pa gen sistèm tretman lè santral yo, Pati Responsab yo dwe adopte pwotokòl anplis pou rediksyon vantilasyon ak filtrasyon lè dapre rekòmandasyon [CDC](#) ak [ASHRAE](#) yo, ki gen ladan:
 - Enspekte nenpòt sistèm vantilasyon sal yo regilyèman (pa egzanp, inite ki nan fenèt yo, inite ki nan mi yo) pou asire ke y ap byen mache kòm sadwa, epi ke filtè yo byen enstale, yo fè sèvis ladan yo epi yo nan limit dire tan sèvis yo kòm sadwa;
 - Kite nenpòt sistèm vantilasyon sal yo mache pou plis tan, sitou pandan plizyè èdtan chak jou anvan ak apre te gen moun nan sal lan;
 - Konfigire sistèm vantilasyon sal yo nan fason pou maksimize konsomasyon lè fre, fikse vantilatè soufflaj yo nan yon vitès ki ba epi mete yo lwen moun ki nan sal la nan mezi sa posib;
 - Kenbe yon imidite relativ ant 40-60% kote sa posib;
 - Ouvè fenèt yo nan limit ki akseptab pou sekirite ak konfò moun ki nan espas la yo;
 - Fikse nenpòt vantilatè plafon pou rale lè k ap soti anlè a voye lwen moun ki nan sal la, si sa posib;
 - Bay vantilatè fenèt yo priyorite pou evakye lè anndan an lè sa posib;

- Evite itilize vantilatè ki sèlman resikle lè oswa sèlman soufle lè nan yon sal san yo pa evakye lè a tou; ak/oswa
- Enstale iradyasyon jèmisid iltravyolèt (UVGI-C, ultraviolet germicidal irradiation) ki fèt ak deplwaye kòm sadwa pou dezaktive patikil viris ki nan lè a yo; ak/oswa
- Itilize pwodui netwayaj lè pòtab (eg, inite elektrik HEPA), konsidere inite ki bay pi gwo to chanjman lè nan nivo pèfòmans apwopriye epi ki pa jenere sou-pwodui ki danjere.
- Anvan moun yo retounen nan yon espas evènman ki te fèmen nèt, Pati Responsab yo dwe fè verifikasyon, travay, ak evalyasyon anvan retou yo pou kapab asire yon anviwònman ki bon pou sante epi ki sekirize. Pami sistèm sa yo gen ladan, men pa sèlman, sistèm mekanik, sistèm dlo, asansè, ak sistèm HVAC yo.
 - Depandaman de kantite tan ki te pase depi lè ekipman yo te inaktif, Pati Responsab yo dwe lanse sistèm yo epi obsève yo ak anpil atansyon pou asire ke machin yo (pa egzanp, valv yo ak entèrèptè yo) ap fonksyone kòrèkteman.
 - Li ka nesèsè pou n pran mezi presi pou sistèm yo pou ka relanse sistèm yo apre yo te fèmen pandan lontan. Pati Responsab yo ka detèmine nesèsite pou chak atik sa yo baze sou dire tan yo te fèmen yo ak kondisyon yo lè yo enspekte yo.
 - Nan fason ki apwopriye ak aplikab, Pati Responsab yo ta dwe fè lè fre sikile anndan bilding lan baze sou konsèp/konpozisyon sistèm lè deyò a pandan omwen 24 èdtan.
 - Pati Responsab yo dwe asire ke yo ranplase sistèm tretman lè yo jan sa nesèsè (pa egzanp, apre yo fin fè lè fre sikile anndan bilding lan).
 - Pati Responsab yo dwe asire ke yo te fè antretyen ak siveyans ekipman klimatizasyon yo konfòmman a règleman eta yo epi ke nivo pwodui chimik ak mikwòb yo nan nivo ke yo te tabli pou nenpòt sistèm dlo ak/oswa enstalasyon dlo ki fèmen yo, epi vide nenpòt aparèy ki ta ka gen ma dlo dòmi ladan yo.
 - Pati Responsab yo dwe vide sistèm dlo frèt ak dlo cho yo konfòmman a plan jesyon dlo nan bilding lan, si sa aplikab.
 - Pati Responsab yo dwe asire ke yo ranplase nenpòt sistèm tretman dlo jan sa nesèsè apre yo fin vide sistèm dlo bilding lan yo.
 - Pou bilding ki te fèmen nèt yo, Pati Responsab yo ta dwe asire ke yo te retabli fonksyònman tout sistèm ak ekipman mekanik yo anvan yo reouvri bilding lan.

B. Ekipman pou Pwoteksyon yo

- Pati Responsab yo dwe asire ke yo ap otorize anplwaye ekip yo, atlèt yo, anplwaye espas evènman yo, ak kliyan yo antre nan espas evènman an sèlman si yo mete yon kachnen ki akseptab; depi moun nan gen plis pase dezan epi li pa gen pwoblèm medikal ki anpeche l tolere yon kachnen konsa.
 - Dapre Dekrè Egzekitif 202.34 la, jan yo te pwolonje li a, Pati Responsab yo gen dwa refize kite moun ki pa mete kachnen yo antre.
- Pati Responsab yo dwe asire ke tout moun mete kachnen ki akseptab yo toutan lè yo anndan espas evènman an, eksepte otorizasyon nan lòt sikonstans jan yo otorize nan direktiv sa a (pa egzanp kliyan k ap manje oswa bwè pandan yo chita epi yo nan distans sosyal de lòt moun ki pa manm menm gwoup/fwaye/fanmi avèk yo, atlèt k ap fè antrènman oswa k ap jwe nan konpetisyon an).
- Pati Responsab yo dwe ankouraje anplwaye ekip yo oswa anplwaye espas evènman yo ki gen entèraksyon regilye, pwòch oswa dirèk ak atlèt yo oswa kliyan yo (pa egzanp, antrenè espòtif yo,

doktè yo, antrenè kondisyonman yo, moun k ap jere boul yo, jeran yo, antrenè yo, anplwaye medikal yo, moun k ap pran tikè yo, anplwaye anrejistremman yo, anplwaye sekirite yo, jeran twalèt yo), pou yo tout mete gan nan men yo. Si anplwaye yo pa mete gan, yo dwe pratike ijyèn men yo anvan ak apre chak entèraksyon sa yo.

- Pati Responsab yo dwe enstale baryè fizik ant espas travay yo kote anplwaye ekip yo ak anplwaye espas evènman yo entèraji ak lòt anplwaye ekip ak anplwaye espas evènman yo ak/oswa kliyan yo (pa egzanp, rejis depa yo, estasyon/kyòs tikè yo, konsesyon yo, biwo sèvis enfòmasyon yo, estasyon despistaj sante yo), jan sa fezab ak kote yo pa ka respekte distans sosyal nan lòt fason.
 - Jan yo sot dekri anwo a, si yo itilize baryè fizik yo (pa egzanp, pleksiglas oswa glas ki fèt ak materyèl parèy yo), yo dwe mete yo an plas annakò ak "direktiv OSHA yo".
- Anplis de nenpòt PPE nesèsè jan yo egzije pou kèk aktivite nan espas travay yo, Pati Responsab yo dwe achte, fabrike, oswa jwenn kachnen ki akseptab yo nan yon lòt fason epi bay anplwaye ekip yo, atlèt yo, ak anplwaye espas evènman yo ki anndan espas evènman an kachnen sa yo gratis. Pati Responsab yo ta dwe gen ase apwovizyonman kachnen, mask ak lòt PPE nesèsè yo sou plas pou si yon anplwaye ta bezwen ranplase youn. Yo dwe netwaye oswa ranplase kachnen yo apre yo fin itilize yo epi yo pa dwe pataje yo. Tanpri konsilte direktiv CDC preskri a pou w jwenn plis enfòmasyon sou kachnen ki fèt an twal yo ak lòt kalite PPE yo, ansanm ak enstriksyon sou fason pou itilize yo ak netwaye yo.
 - Sonje ke yo pa dwe konsidere kachnen ki fèt an twal yo ak mask jetab yo kòm kachnen ki akseptab pou fè aktivite nan espas travay yo ki mande pou gen plis pwoteksyon PPE akòz nati travay la. Pati Responsab yo dwe respekte nòm OSHA preskri pou ekipman sekirite sa yo.
 - Pati Responsab yo dwe konseye anplwaye yo pou yo netwaye oswa ranplase kachnen yo regilyèman si yo ta vin mouye oswa sal.
- Pati Responsab yo dwe kite anplwaye ekip yo, atlèt yo, ak anplwaye espas evènman yo itilize pwòp kachnen akseptab pa yo men yo pa ka egzije pou se anplwaye ekip yo, atlèt yo, ak anplwaye espas evènman yo ki pwokire pwòp kachnen yo. Anplis, direktiv sa a pa dwe anpeche anplwaye ekip yo, atlèt yo, ak anplwaye espas evènman yo mete pwòp kouch pwoteksyon yo genyen (pa egzanp, mask chirijikal yo, respiratè N95 yo).
 - Pati Responsab yo ka mande anplwaye ekip yo, atlèt yo, ak anplwaye espas evènman yo pou yo mete plis PPE pou pwoteje yo akòz nati travay yo. Anplwayè yo dwe konfòme yo a tout nòm OSHA ki aplikab yo.
- Pati Responsab yo dwe bay anplwaye ekip yo, atlèt yo, ak anplwaye espas evènman yo fòmasyon sou fason pou yo byen mete, retire, netwaye (jan sa aplikab), epi jete PPE yo, ki gen ladan men pa sèlman, kachnen ki apwopriye pou kouvri figi yo.
- Pati Responsab yo dwe mete mezi sou pye pou limite pataj atik yo (pa egzanp, rejis depa yo, eskanè tikè yo); ansanm ak evite manyen sifas moun manyen souvan yo, tankou manch pòt yo, ekran taktil yo; oswa, mande anplwaye ekip yo, atlèt yo, ak anplwaye espas evènman yo ak kliyan yo pou yo mete gan (ki apwopriye pou metye a oswa gan medikal) lè yo an kontak ak atik pataje yo oswa sifas moun manyen souvan yo; oswa, mande anplwaye ekip yo, atlèt yo, ak anplwaye espas evènman yo pou yo pratike ijyèn men yo anvan ak apre chak kontak.

C. Ijyèn, Netwayaj ak Dezenfeksyon

- Pati Responsab yo dwe asire moun yo respekte egzijans ijyèn, netwayaj ak dezenfeksyon yo jan CDC ak DOH preskri yo, ki gen ladan "[Direktiv pou Netwaye ak Dezenfekte Etablisman Piblik ak Prive yo pou COVID-19](#)" (Guidance for Cleaning and Disinfection of Public and Private Facilities for COVID-19), ak afich "[SISPANN PWOPAGASYON AN](#)" (STOP THE SPREAD), jan sa aplikab. Pati Responsab yo dwe kenbe rejis netwayaj yo ki gen dat, lè, ak pòte netwayaj ak dezenfeksyon an.
- Pati Responsab yo dwe bay e kenbe estasyon ijyèn men nan espas la, nan fason ki annapre la:
 - Pou lave men: savon, dlo cho k ap koule, ak sèvyèt papye jetab.
 - Pou dezenfekte: yon dezenfektan pou men a baz alkòl ki gen omwen 60% alkòl nan espas kote enstalasyon pou lave men yo p ap ka disponib oswa pratik.
 - Pati Responsab yo dwe mete dezenfektan pou men disponib nan espas kominotè ki gen nan espas evènman yo (pa egzanp, lòbi yo, pwen dantre yo). Yo ta dwe enstale distribitè dezenfektan pou men san kontak kote sa posib.
 - Pati Responsab yo ta dwe mete pano toupre estasyon dezenfektan pou men yo ki endike ke yo dwe lave men ki vizibleman sal yo avèk savon ak dlo; dezenfektan pou men pa efikas sou men ki vizibleman sal.
 - Pati Responsab yo dwe mete vesò toupato nan espas evènman an pou jete atik sal yo, pami yo PPE yo.
- Pati Responsab yo dwe bay materyèl netwayaj ak dezenfeksyon apwopriye pou netwaye ak dezenfekte sifas ak objè moun pataje ak manyen souvan yo (pa egzanp, eskanè tikè yo, mikwo yo, radyo yo, bawo apui yo, bouton asansè yo) epi ankouraje anplwaye ekip yo ak anplwaye espas evènman yo pou yo itilize materyèl sa yo selon enstriksyon fabrikasyon yo, avan ak apre yo fin itilize objè ak sifas sa yo, apre pou yo pratike ijyèn men.
- Pati Responsab yo dwe netwaye ak dezenfekte arèn, estad, oswa espas evènman espò pwofesyonèl yo regilyèman epi netwaye ak dezenfekte pi souvan espas ki gen plis chans pou anpil moun itilize yo ak sifas moun manyen souvan yo. Netwayaj ak dezenfeksyon yo dwe fèt ak anpil atansyon ak detanzantan epi yo ta dwe fèt omwen apre chak match, chak jou, oswa pi souvan jan sa nesèsè. Tanpri konsilte "[Direktiv Pwovizwa pou Netwaye ak Dezenfekte Etablisman Piblik ak Prive yo pou COVID-19](#)" (Interim Guidance for Cleaning and Disinfection of Public and Private Facilities for COVID-19) DOH la pou w jwenn plis enstriksyon sou fason pou netwaye ak dezenfekte etablisman yo.
 - Pati Responsab yo dwe asire ke yo netwaye ak dezenfekte twalèt yo regilyèman. Yo dwe netwaye ak dezenfekte twalèt yo omwen de fwa pa jou lè gen yon evènman/konpetisyon nan espas evènman an, oswa pi souvan tou depan de kantite fwa yo itilize yo.
 - Pati Responsab yo dwe asire ke yo respekte règleman distans yo lè yo itilize pano, makè pou endike kote ki okipe yo, oswa lòt metòd pou redui kantite moun ki ka nan twalèt yo lè sa posib.
 - Pati Responsab yo dwe asire ke yo netwaye ak dezenfekte tout espas pou atlèt yo ak anplwaye ekip yo (pa egzanp vestyè yo) nan fason apwopriye ak efikas apre chak antrènman ak konpetisyon.
 - Pati Responsab yo dwe asire ke yo netwaye ak dezenfekte espas travay pataje yo (pa egzanp, biwo kontwòl yo) apre chak fwa yon anplwaye diferan fin itilize yo.
 - Pati Responsab yo dwe gen anplwaye, ke kliyan yo ka wè, ke yo deziyen pou netwaye ak dezenfekte espas kote anpil moun pase yo ak sifas anpil moun manyen yo.
 - Pati Responsab yo dwe asire ke yo netwaye ak dezenfekte ekipman ak zouti ke anplwaye ekip yo, atlèt yo, ak anplwaye espas evènman yo itilize yo regilyèman avèk dezenfektan legal yo.

Konsilte [lis pwodui](#) Depatman Pwoteksyon Anviwònman (DEC) ki anrejistre nan Eta New York yo epi ke EPA idantifye kòm efikas kont COVID-19.

- Si pwodui pou netwaye oswa dezenfekte yo oswa si lè w netwaye ak dezenfekte sa lakòz danje oswa degrade ekipman ak/oswa materyèl yo, Pati Responsab yo dwe mete anplas pòs ijyèn men pou moun yo apre chak itilizasyon yo ak/oswa bay gan jetab ak/oswa limite kantite anplwaye k ap sèvi avèk ekipman, zouti, oswa lòt objè sa yo.
- Pati Responsab yo dwe fè aranjman pou netwaye ak dezenfekte espas ki ekspozè yo si ta gen yon ka ki pozitif pou COVID-19 pami nenpòt moun ki nan oswa ki anndan espas evènman an, kote netwayaj ak dezenfeksyon sa ap genyen, ominimòm, tout espas toupre ke moun frekante anpil yo ak sifas moun manyen anpil yo (pa egzanp, syèj yo, kyòsk yo, ekipman espò yo, sifas pataje yo, veyikil yo, manch yo, manch pòt yo).
- Direktiv CDC preskri pou "[Netwaye ak dezenfekte Etablisman ou an](#)" (Cleaning and Disinfecting Your Facility) si yo sispèk oswa konfime gen yon moun ki gen COVID-19 nan fason ki annapre la yo:
 - Fèmen zòn moun yo sispèk oswa konfime ki gen COVID-19 la te itilize yo.
 - Pati Responsab yo pa nesèsman bezwen fèmen operasyon an, si yo ka fèmen espas ki afekte yo.
 - Ouvri pòt ak fenèt ki bay sou deyò yo pou ogmante sikilasyon lè nan espas la.
 - Tann 24 èdtan pase avan ou netwaye oswa dezenfekte. Si l pa posib pou w tann 24 èdtan pase, tann tout tan w kapab.
 - Netwaye epi dezenfekte tout espas moun yo sispèk oswa yo konfime ki gen COVID-19 la te itilize, tankou biwo yo, twalèt yo, espas kominotè yo, ak ekipman pataje yo.
 - Depi yo fin byen dezenfekte espas la kòm sadwa, yo ka reyouvè l pou moun itilize l.
 - Anplwaye ekip ak/oswa anplwaye espas evènman ki pa t gen kontak pwòch oswa dirèk avèk moun yo sispèk oswa konfime ki gen COVID-19 la kapab retounen nan espas travay la kou yo fin netwaye ak dezenfekte l.
 - Konsilte "[Direktiv Pwovizwa pou Anplwaye PIBlik ak Prive k ap Retounen nan Travay yo apre Enfeksyon oswa Ekspozisyon a COVID-19](#)" (Interim Guidance for Public and Private Employees Returning to Work Following COVID-19 Infection or Exposure) pou w jwenn enfòmasyon sou kontak "pwòch oswa dirèk" yo.
 - Si gen plis pase sèt jou ki te pase depi moun ke yo te sispèk oswa konfime ki gen COVID-19 la te vizite oswa itilize espas evènman an, yo pa bezwen fè netwayaj ak dezenfeksyon anplis, men yo dwe kontinye fè netwayaj ak dezenfeksyon woutin ki te konn fèt yo.
- Pati Responsab yo dwe netwaye ak dezenfekte tout syèj yo (pa egzanp chèz yo ak bra chèz yo) apre chak evènman, nan mezi sa posib.
- Pou aktivite ki mande pou manyen objè pataje (pa egzanp, aparèy peman yo, kès anrejistrez, kyòsk tikè yo), espas ak/oswa sifas yo (pa egzanp, pòt yo) lòt moun manyen yo, Pati Responsab yo dwe fè netwaye ak dezenfekte espas ak objè sa yo chak jou, ominimòm.
 - Pati Responsab yo dwe asire ke yo bay anplwaye espas evènman yo ase tan pandan jounen an pou yo netwaye ak dezenfekte ekipman yo detanzantan (pa egzanp, eskanè tikè yo, radyo yo, espas travay yo).
- Pati Responsab yo dwe asire ke tout sona, benwa cho, chanm kriyoterapi yo oswa lòt espas parèy yo rete fèmen pou tout atlèt yo, anplwaye ekip yo, ak anplwaye espas evènman yo pa itilize yo,

amwenske yo bezwen itilize yo pou rezon medikal epi pwofesyonèl, asosyasyon, oswa òganis reglemantè respektif apwopriye lig yo te otorize itilizasyon yo, nan ka sa a, yo dwe netwaye ak dezenfekte espas sa yo apre chak itilizasyon.

- Pati Responsab yo dwe netwaye ak dezenfekte tout espas medikal yo, ki gen ladan tab yo ak sifas yo apre chak itilizasyon oswa egzamen.
- Pati Responsab yo dwe entèdi atlèt yo, anplwaye ekip yo, ak anplwaye espas evènman yo pataje nenpòt atik pèsonèl (pa egzanzp, bidon dlo, ekipman, sèvyèt, pwodui pou benyen, rad).
- Nan mezi sa pratik, Pati Responsab yo dwe entèdi moun krache anndan espas evènman an a tou moman epi entèdi nenpòt pwodui ki fè moun krache (pa egzanzp, tabak ki pa fè lafimen, grèn tounsòl).
- Pati Responsab yo dwe netwaye ak dezenfekte ekipman pou fè espò ke plizyè atlèt oswa anplwaye ekip yo itilize pandan yon konpetisyon regilyèman (pa egzanzp, balon foutbòl yo, balon bezbòl yo, bal tenis yo, balon baskèt yo, baton bezbòl yo).
- Pati Responsab yo ta dwe ankouraje atlèt yo pran douch nan otèl oswa lakay yo apre yon konpetisyon olye yo benyen nan vestyè yo ba yo nan espas evènman.
- Pati Responsab yo dwe asire ke atlèt yo pratike ijyèn men avan ak apre yo mete oswa retire pwotèj dan yo.
- Pati Responsab yo dwe entèdi fè pase manje/bwason de men an men pami kliyan ki pa nan menm gwoup/fwaye/fanmi (pa egzanzp, pase yon goute de men an men nan yon ranje).
- Pati Responsab yo dwe kolekte ak lave lenj (sèvyèt, inifòm, rad) sou plas si posib epi yo dwe ankouraje atlèt yo pou yo depoze lenj sal yo nan panye yo deziyen san lòt moun, tankou manadjè oswa jeran ekipman yo, pa manyen yo.
 - Anplwaye ekip yo oswa anplwaye espas evènman yo ki jere sèvyèt, lenj, ak lòt atik yo itilize oswa ki sal yo lè y ap lave yo dwe respekte prekosyon CDC yo: pa sekwe rad sal yo, mete gan jetab lè y ap manyen rad ak panye rad sal yo, itilize konfigirasyon dlo ki pi cho ki apwopriye annakò ak enstriksyon fabrikan preskri pou atik yo, netwaye ak dezenfekte panye rad sal yo apre chak itilizasyon, epi lave men yo ak savon ak dlo oswa itilize dezenfektan pou men ki gen omwen 60% alkòl apre yo fin manyen rad sal ak retire ak jete gan yo.
- Pati Responsab yo ta dwe asiye anplwaye pou fè netwayaj nan sèten espas anndan espas evènman an (pa egzanzp, vestyè yo) pou limite kontaminasyon kwaze toupatou nan etablisman an.
- Pati Responsab yo ka konsidere oswa limite aksè a akseswa oswa enstalasyon kominotè ki gen nan espas evènman yo ki ka ogmante chans pou kliyan yo rasanble oswa risk pou plizyè espas moun manyen souvan, tankou olye yo mete kyòs depliyen pwomosyonèl yo deyò yo ka bay moun depliyen yo lè yo mande yo.
- Pati Responsab yo dwe entèdi anplwaye ekip yo, atlèt yo, ak anplwaye espas evènman yo pataje manje ak bwason (pa egzanzp, manje ak bwason yo sèvi tèt yo pou kont yo) epi kite ase espas pou anplwaye ekip yo, atlèt yo, ak anplwaye espas evènman yo obsève distans sosyal lè y ap manje.

D. Reyouvèti An Plizyè Faz

- Nou ankouraje Pati Responsab yo pou yo fè aktivite reyouvèti yo an plizyè faz pou yo ka rezoud pwoblèm fonksyonman yo anvan aktivite nan espas evènman yo oswa aktivite konpetisyon espò pwofesyonèl yo retounen nan nivo nòmal yo.
 - Pati Responsab yo ta dwe konsidere priorize aksè bonè nan etablisman an pou moun ki gen lesepase sezonye yo ak/oswa kliyan lokal yo tank gen plis moun k ap frekante espas la pandan kòmansman jou ak semèn operasyon yo.
 - Pati Responsab yo ta dwe konsidere revize tout règleman anilasyon tikè yo ak règleman ranbousman yo kòm sadwa pou ankouraje kliyan ki malad yo pou yo rete lakay yo.

E. Plan Kominikasyon

- Yon fwa DOH apwouve espas la pou akeyi konpetisyon espò pwofesyonèl ak kliyan yo, Pati Responsab ki gen espas evènman ki gen yon kapasite anndan oswa deyò ki ka kenbe 10,000 patisipan oswa plis dwe soumèt, pou chak evènman, detay evènman an bay DOH omwen 5 jou avan dat evènman an, epi detay sa yo dwe gen ladan men pa sèlman (1) enfòmasyon pou kontakte Pati Responsab yo, (2) non evènman an, (3) adrès evènman an, (4) dat ak lè evènman ap fèt la, (5) kantite tan yo estime evènman ap dire, (6) kantite kliyan (sa vle di fanatik oswa espektatè) yo prevwa ap vin nan evènman an, ak (7) kantite anplwaye yo prevwa ki pral travay nan evènman an (sa vle di anplwaye ekip yo, atlèt yo ak anplwaye espas evènman yo). Si gen chanjman materyèl ki fèt nan detay evènman an, yo dwe soumèt yo ankò bay DOH.
 - Otorite Sante Eta ak/oswa lokal yo ka bezwen enspekte evènman/konpetisyon yo pou asire yo konfòm ak tout dispozisyon ki nan direktiv sa a.
- Yon fwa depatman sante konte a oswa otorite sante piblik lokal respektif la apwouve espas la pou akeyi konpetisyon espò pwofesyonèl ak kliyan yo, Pati Responsab ki gen espas evènman ki gen yon kapasite anndan ki ka kenbe ant 1,500 a 9,999 patisipan oswa deyò ant 2,500 a 9,999 patisipan dwe soumèt, pou chak evènman, detay evènman an bay depatman sante konte oswa otorite sante piblik lokal respektif la omwen 5 jou avan dat evènman an, epi detay sa yo dwe gen ladan men pa sèlman (1) enfòmasyon pou kontakte Pati Responsab yo, (2) non evènman an, (3) adrès evènman an, (4) dat ak lè evènman ap fèt la, (5) kantite tan yo estime evènman ap dire, (6) kantite kliyan (sa vle di fanatik oswa espektatè) yo prevwa ap vin nan evènman an, ak (7) kantite anplwaye yo prevwa ki pral travay nan evènman an (sa vle di anplwaye ekip yo, atlèt yo ak anplwaye espas evènman yo). Si gen yon chanjman materyèl ki fèt nan detay evènman an, yo dwe resoumèt yo bay depatman sante konte a oswa otorite sante piblik lokal respektif la.
 - Otorite Sante Eta ak/oswa lokal yo ka bezwen enspekte evènman/konpetisyon yo pou asire yo konfòm ak tout dispozisyon ki nan direktiv sa a.
- Pati Responsab yo dwe afime ke yo te revize epi yo konprann liy direktris yo ke Eta a preskri pou endistri a, epi y ap fè respekte yo.
- Pati Responsab yo dwe elabore yon plan kominikasyon pou tout anplwaye ekip yo, atlèt yo, anplwaye espas evènman yo, ak kliyan yo ki gen ladan enstriksyon, fòmasyon, pano ki aplikab yo ak yon mwayen inifòm pou bay anplwaye yo enfòmasyon. Pati Responsab yo ka konsidere devlope paj entènèt, gwoup tèks ak imèl, ak kont sou rezo sosyo yo.
- Pati Responsab yo dwe ankouraje moun yo pou yo respekte rekòmandasyon CDC ak DOH preskri sou itilizasyon PPE, sitou pou kachnen yo, pa mwayen kominikasyon vèbal ak pano.

- Pati Responsab yo ta dwe mete pano anndan ak deyò espas evènman an pou raple moun yo pou yo respekte bon ijyèn, prensip distans sosyal yo, itilizasyon PPE yo kòm sadwa ak pwotokòl netwayaj ak dezenfeksyon yo.
- Pati Responsab yo dwe distribye enfòmasyon konkrè ak dirèk bay kliyan yo sou prekosyon sekirite/sante yo, ki gen ladan yon anons avan evènman an pou dekri pwotokòl sekirite ak sante yo ki an vigè nan espas evènman an.

III. PWOSESIS YO

A. Evalyasyon ak Tès

- Pati Responsab yo dwe egzije ak asire ke tout kliyan yo, anplwaye ki antre an kontak ak piblik yo, atlèt yo, ak anplwaye ekip ki gen plis pase dezan yo te resevwa rezilta yon tès dyagnostik negatif pou COVID-19 ki te fèt pa mwayen yon tès reyaksyon an chèn polimeraz (polymerase chain reaction, PCR) oswa lòt tès anplifikasyon nukleyik (nucleic acid amplification test, NAATs) ki gen pèfòmans sansiblite konparab ke yo te fè sou yon echantyon (sa vle di prelevman) ke yo te kolekte nan lespas 72 èdtan avan lè kòmansman konpetisyon an epi ke Ajans Administrasyon Pwodui Alimantè ak Medikaman (Food and Drug Administration, FDA) Etazini an oswa DOH otorize. Pati Responsab yo ka aksepte rezilta tès negatif pou COVID-19 ki te fèt pa mwayen yon tès antijèn yo te fè sou yon echantyon yo te kolekte nan lespas 6 èdtan avan lè kòmansman evènman ke FDA otorize.
 - Tout kliyan yo dwe prezante prèv rezilta yon tès dyagnostik negatif (pa egzanp, aplikasyon sou telefòn selilè, fòmilè papye) bay anplwaye espas evènman yo deziyen pou fè sa avan, oswa touswit apre yo rive nan evènman/konpetisyon an.
 - Pati Responsab yo ka ofri pou yo fè tès antijèn FDA otorize yo pou kliyan yo, anplwaye espas evènman yo, atlèt yo, ak anplwaye ekip yo pou yo jwenn rezilta echantyon yo te kolekte nan lespas 6 èdtan avan evènman/konpetisyon sou pwopriyete a; depi, toutfwa, tès antijèn sa a dwe satisfè tout egzijans ak nòm DOH preskri yo ki gen ladan rapòte rezilta yo san pèdi tan nan Sistèm Rapò Laboratwa Klinik Elektwonik Depatman an (Electronic Clinical Laboratory Reporting System, ECLRS).
 - Pou minimize chans pou gen ekspozisyon pandan y ap tann pou fè tès PCR, NAAT, oswa tès antijèn yo, moun yo dwe siveye si yo gen sentòm COVID-19 yo, mete yon kachnen lè yo an piblik, kenbe distans sosyal, epi yo dwe evite rete pandan anpil tan an piblik, evite kontak ak etranje, epi evite gran anviwònman rasanbleman yo.
 - Kòm yon altènatif olye de egzijans tès la, kliyan yo, anplwaye espas evènman yo, atlèt yo, ak anplwaye ekip yo dwe bay prèv ke yo te pran tout seri doz konplè vaksen kont COVID-19 yo omwen 14 jou avan dat evènman/konpetisyon an. Toutfwa, pandan DOH ak Sant pou Kontwòl ak Prevansyon Maladi yo (CDC) kontinye evalye efè vaksinasyon an genyen sou chans pou transmisyon COVID-19, yo toujou rekòmande fè tès dyagnostik yo, epi Pati Responsab yo ka chwazi egzije moun yo fè tès. DOH, an konsiltasyon ak CDC, pral kontinye siveye devlopman vaksinasyon yo epi revize direktiv yo kòm sadwa.
 - Jan yo dekri anwo a, anplwaye espas evènman yo ak anplwaye ekip la yo dwe fè tès pou COVID-19 pa mwayen yon tès dyagnostik avan yo al nan premye evènman/konpetisyon an epi yo dwe fè tès chak semèn apre pandan tout dire tan y ap travay aktivman nan espas evènman/konpetisyon yo, epi y ap entèraji an kontak pwòch ak kliyan yo ak/oswa atlèt yo. Kòm yon altènatif olye de egzijans tès la, kliyan yo, anplwaye espas evènman yo, atlèt yo, ak anplwaye ekip yo dwe bay

prèw ke yo te pran tout seri doz konplè vaksen kont COVID-19 yo omwen 14 jou avan dat evènman/konpetisyon an (yo).

- Pati Responsab yo dwe refize kite nenpòt moun ki pa te reyisi prezante rezilta yon tèz dyagnostik negatif oswa prèw vaksinasyon, jan sa nesesè, antre nan espas evènman/konpetisyon an. Yo dwe retire nenpòt anplwaye ekip, atlèt, oswa anplwaye espas evènman ki resevwa rezilta yon tèz dyagnostik pozitif pou COVID-19 nan evènman/konpetisyon an jiskaske yo te konsilte otorite sante apwopriye yo epi yo te bay yo otorizasyon pou yo retounen nan travay. Anplis, yo dwe refize kite nenpòt kliyan ki resevwa rezilta yon tèz dyagnostik pozitif pou COVID-19 antre nan evènman/konpetisyon an, ansanm ak nenpòt manm gwoup kliyan an ki ka te vin an kontak pwòch ak kliyan ki pozitif la nan lespas 10 jou ki sot pase la yo (pa egzanp, manm fanmi, moun k ap viv nan menm kay).
- Pati Responsab yo dwe mete sou pye depistaj sante obligatwa pou tout moun, ki gen ladan anplwaye ekip yo, atlèt yo, anplwaye espas evènman yo, ak kliyan yo avan nenpòt aktivite espò pwofesyonèl an pèsòn, ankontan antrènman ak konpetisyon yo tou. Yo rekòmande fè depistaj sa yo men yo pa obligatwa pou anplwaye k ap fè livrezon yo.
 - Yo ka fè depistaj sa yo a distans (pa egzanp, nan imel, nan telefòn, sondaj elektwonik, lè y ap achte tikè yo, pa mwayen pano), avan yo antre nan espas evènman an, nan mezi sa posib.
 - Yo ta dwe kowòdone depistaj sa yo nan fason pou anpeche moun yo antre an kontak pwòch oswa dirèk youn ak lòt avan yo fin fè depistaj la.
 - Nan kad depistaj sante a, Pati Responsab yo dwe egzije pou yo verifye tanperati yo pa mwayen tèmomèt san kontak oswa kamera tèmik pou tout kliyan yo. Yo dwe refize kite nenpòt kliyan ki gen yon tanperati 100.4° F oswa plis antre nan evènman/konpetisyon yo, ansanm ak nenpòt manm gwoup kliyan an ki ka te vin an kontak pwòch ak kliyan ki fyevre a nan lespas 10 jou ki sot pase la yo (pa egzanp, manm fanmi, moun k ap viv nan menm kay).
 - Pati Responsab yo ka kite kliyan ki gen yon tanperati 100.4° F oswa plis premye fwa yo verifye tanperati yo pou yo mete yo akote liy depistaj la, ret tann kèk minit pou tanperati kò yo ka nòmalize, epi apresya pran tanperati yo yon dezyèm fwa ankò. Si dezyèm fwa yo pran tanperati a konfime rezilta premye fwa, yo dwe refize kite moun sa antre; toutfwa, si dezyèm fwa yo pran tanperati a pa bay yon tanperati ki 100.4° F oswa plis, ebyen yo ka kite kliyan an antre nan evènman/konpetisyon an.
 - Yo dwe verifye tanperati a annakò ak liy direktis Komisyon pou Egalite Chans nan zafè Anplwa (EEOC, Equal Employment Opportunity Commission) oswa direktiv DOH yo. Yo entèdi Pati Responsab kenbe dosye enfòmasyon sou sante moun (pa egzanp, done tanperati presi yon moun), men yo otorize yo kenbe dosye ki konfime moun yo te fè tèz depistaj ak rezilta tèz depistaj sa yo (pa egzanp, reyisi/echwe, otorize/pa otorize), sof si moun nan te eksprime li ba yo otorizasyon pou yo fè sa.
- Ominimòm, depistaj la dwe itilize yon kesyonè pou detèmine si moun lan gen:
 - Sentòm COVID-19 yo; Genyen nenpòt sentòm COVID-19 yo aktyèlman oswa li te gen sentòm yo resaman (nan lespas 48 èdtan ki sot pase yo);
 - CDC konseye ke pami sentòm COVID-19 yo ka genyen lafyèv oswa frison, tous, souf kout oswa difikilte pou respire, fatig, doulè nan misk oswa kòfèmal, maltèt, vin pa ka pran gou oswa sant, malgòj, nen bouche oswa rim ap koule nan nen, kèplen oswa vomisman, oswa dyare; toutfwa, kèk nan sentòm sa yo ka rive akòz kondisyon medikal moun nan te gen deja, tankou alèji oswa migrèn, ke yon pratisyen medikal te dyagnostike yo genyen. Nan ka sa yo, moun yo ta dwe sèlman reponn "wi" si yo gen nouvo sentòm yo oswa sentòm yo vin pi grav.

- Kontak COVID-19: Li te an kontak pwòch (oswa kontak dirèk jan otorite sante yo te detèmine) pandan 10 jou ki sot pase la yo avèk nenpòt moun ki te gen COVID-19 ke tès dyagnostik te konfime, oswa ke yo te sispèk baze sou sentòm yo;
 - DOH konseye ke kontak pwòch se nan yon distans 6 pye de yon moun pandan 10 minit oswa plis pandan yon peryòd 24 èdtan, kòmanse nan 2 jou avan yo te devlope sentòm yo oswa si yo pa gen sentòm, 2 jou avan yo te fè tès la. (Kontak pwòch pa gen ladan moun ki travay nan yon anviwònman swen sante ki mete ekipman pou pwoteksyon pèsònèl nesèsè kòmsadwa.)
 - Eksepsyon sa pa dwe aplike pou moun ki (1) te vaksinen nèt kont COVID-19 – ke yo defini kòm 14 jou apre yo fin resevwa tout doz nan seri vaksen yo – nan lespas 90 jou ki sot pase yo oswa (2) yo fin retabli yo nèt apre tès laboratwa te konfime ke yo gen COVID-19 nan lespas 3 mwa ki sot pase yo. (Olye yo rete an karantèn apre yo te an kontak pwòch, moun sa yo pral bezwen siveye si yo vin gen sentòm COVID-19 yo pandan 14 jou apre yo te ekspozè a viris la).
- Teste Pozitif pou COVID-19: Te teste pozitif pou COVID-19 apati yon tès dyagnostik nan 10 jou ki sot pase yo; ak/oswa
- Vwayaje Resaman: Te vwayaje vin nan Eta New York soti nan yon eta ki pa yon eta vwazen, yon teritwa Etazini, oswa yon peyi CDC mete nan nivo 2 nan konsèy pou vwayaj nan lespas 10 jou ki sot pase yo epi li pa te swiv konsèy pou vwayaj Eta a.
 - An vigè 1ye avril 2021, konsèy pou vwayaj Eta a p ap egzije pou vwayajè lokal yo rete an karantèn ankò apre yo antre New York soti nan yon lòt Eta oswa teritwa Etazini. Egzijans federal CDC preskri pou vwayajè entènasyonal yo toujou rete an vigè.
- Pati Responsab yo dwe egzije anplwaye ekip yo, atlèt yo, anplwaye espas evènman yo, ak kliyan yo pou yo devwale touswit si epi lè respons yo te bay pou nenpòt nan kesyon ki mansyone anwo a yo ta chanje, tankou si yo kòmanse santi sentòm yo.
- Pati Responsab yo ta dwe kowòdone ak tout anplwaye ekip ak anplwaye espas evènman ki nesèsè yo pou fasilite pwosesis depistaj la. Meyè pratik depistaj yo gen ladan:
 - Kominikasyon alavans pou di kliyan yo ke yo p ap kapab antre nan espas evènman an si yo pa pase depistaj la, sa ki ka afekte lòt manm nan gwoup yo a si yo te an kontak pwòch ak moun ke yo sispèk oswa yo te konfime ki gen COVID-19 la baze sou sentòm yo oswa sou rezilta tès pozitif.
 - Idantifye moun ki te ranpli ak pase kesyonè pou depistaj yo alavans.
 - Si konfigirasyon espas la ak bilding lan pèmèt nou fè sa, fè depistaj pou moun yo nan oswa toupre antre espas evènman an pou minimize enpak nan ka ta gen yon ka sispèk oswa konfime ki gen COVID-19.
 - Kite ase espas pou moun yo ka respekte distans sosyal pandan yo nan liy ap tann pou fè tès depistaj la ak/oswa antre nan espas evènman an.
- Pati Responsab yo dwe fè ranpli yon kesyonè pou depistaj avan vwayaj pou nenpòt ekip k ap vwayaje onivo lokal oswa entènasyonal. Vwayaj entènasyonal dwe respekte tout liy direktis federal, eta, ak lokal yo ki gen ladan fè vwayajè yo rete an karantèn apre yo retounen jan sa nesèsè.
- Pati Responsab yo dwe asire ke yo pwoteje nenpòt anplwaye ekip oswa anplwaye espas evènman k ap fè aktivite depistaj yo, ki gen ladan tcheke tanperati yo, kòmsadwa kont kontak a moun yo ki enfekte k ap antre nan espas evènman an. Anplwaye ki ap fè aktivite depistaj yo ta dwe pran fòmasyon nan men moun ke anplwayè yo te idantifye kòm moun ki byen konnen pwotokòl CDC, DOH, ak OSHA preskri yo.

- Moun k ap fè depistaj yo dwe resevwa epi itilize PPE, sa gen ladan ominimòm, yon kachnen ki akseptab, epi sa ka gen ladan gan, yon blouz, linèt pwoteksyon, ak/oswa yon ekran fasyal.
- Pati Responsab yo dwe refize kite nenpòt kliyan ki pa pase kesyonè pou depistaj la oswa ki resevwa rezilta yon tès dyagnostik pozitif pou COVID-19, ansanm ak nenpòt manm nan gwoup kliyan an ki ka te an kontak pwòch ak kliyan sa a nan lesplas 10 jou ki sot pase yo (pa egzanp, manm fanmi yo, moun k ap viv nan menm kay), antre nan espas evènman/konpetisyon an.
 - Kliyan yo pa kite antre paske yo pa pase kesyonè pou depistaj la oswa yo resevwa rezilta yon tès dyagnostik pozitif dwe kontakte yon pwofesyonèl swen sante pou evalye yo ak, si sa apwopriye, fè tès dyagnostik.
- Pati Responsab yo dwe refize kite nenpòt anplwaye ekip, atlèt, oswa anplwaye espas evènman ki pa te pase kesyonè pou depistaj la oswa ki resevwa rezilta yon tès dyagnostik pozitif pou COVID-19 antre nan espas evènman an. Yo dwe voye anplwaye ekip, atlèt, oswa anplwaye espas evènman sa yo lakay yo oswa nan yon lojman deziyen avèk enstriksyon pou yo kontakte yon pwofesyonèl swen sante pou evalye yo, epi si sa aplikab, fè tès dyagnostik.
 - Pati Responsab yo ta dwe bay anplwaye ekip, atlèt, oswa anplwaye espas evènman yo enfòmasyon a distans sou swen sante ak resous pou yo al fè tès.
 - Pati Responsab yo dwe enfòmè depatman sante eta ak lokal la touswit sou ka si rezilta tès dyagnostik yo pozitif pou COVID-19.
- Pati Responsab yo dwe konsilte "Direktiv Pwovizwa pou Anplwaye Piblik ak Prive ki ap Retounen nan Travay yo apre Ekspozisyon oswa Enfeksyon ak COVID-19" (Interim Guidance for Public and Private Employees Returning to Work Following COVID-19 Infection or Exposure) DOH la konsènan pwotokòl ak politik yo preskri pou anplwaye ekip, atlèt, oswa anplwaye espas evènman k ap chèche retounen nan travay yo apre yo te sispèk oswa konfime yon ka COVID-19, oswa apre anplwaye ekip, atlèt, oswa anplwaye espas evènman an te an kontak pwòch oswa dirèk ak yon moun ki gen COVID-19.
- Pati Responsab yo dwe deziyen youn oswa plizyè pwen kontak santral, ki ka varye selon aktivite, lokalite, peryòd oswa jou travay, ki pou responsab pou resevwa ak ateste ke li te revize tout kesyonè anplwaye ekip, atlèt, oswa anplwaye espas evènman yo, epi se kontak sa pou yo idantifye tou kòm pati anplwaye ekip, atlèt, oswa anplwaye espas evènman yo dwe enfòmè si pita yo ta vin gen sentòm ki gen rapò ak COVID-19, jan yo dekri nan kesyonè a.
 - Yo dwe prepare youn oswa plizyè pwen kontak santral yo te idantifye pou espas evènman an pou resevwa notifikasyon nan men moun yo sispèk oswa ka pozitif yo ak, an konsiltasyon ak sipèvizè sekirite sit la, pou yo kòmanse voye avi, komunikasyon, fè rechèch kontak, ak pwosedi netwayaj ak dezenfeksyon respektif yo, jan sa aplikab pou sityasyon an.
- Pati Responsab yo dwe chwazi yon sipèvizè sekirite pou sit la k ap gen pami plizyè responsab, pou l asire yo kontinye respekte tout aspè plan sekirite ak direktiv pou espas la.
 - Lè yo enfòmè l ke yo konfime yon ka pozitif pou COVID-19 pa mwayen rezilta yon tès dyagnostik pou yon moun ki aktyèlman anndan oswa ki te prezan nan espas evènman an, sipèvizè sekirite a dwe:
 - enfòmè depatman sante eta a ak lokal la ke yo konfime yon ka pozitif,
 - ede nan kad efò rechèch kontak yo pou idantifye kontak pwòch oswa dirèk yo ki ka bezwen rete an karantèn,
 - kominike ak moun yo konnen ki te ka an kontak ak ka ki pozitif la nan espas evènman an ke yo te rapòte yon ka pozitif, yo pral fè rechèch kontak, y ap avize kontak pwòch yo, epi y ap fè netwayaj ak dezenfeksyon anplis nan espas ki te ekspoze a, epi

- deplwaye anplwaye oswa moun apwopriye pou netwaye ak dezenfekte espas ki te ekspoze a, annakò ak pwotokòl ki anwo a yo.
- Pati Responsab yo dwe kenbe yon rejis pou mete chak moun, ki gen ladan anplwaye ekip, atlèt, oswa anplwaye espas evènman yo ki ka te an kontak pwòch oswa dirèk ak lòt moun ki nan espas evènman an; eksepte livrezon ki fèt ak PPE apwopriye, oswa pa mwayen san kontak yo ak kliyan ke Pati Responsab yo ap mentni prezans yo apa.
 - Journal la ta dwe gen enfòmasyon kontak la, pou tout kontak ka idantifye, retrace epi alète si yon anplwaye ta teste pou COVID-19 la.

B. Trasaj ak Swivi

- Pati Responsab yo dwe enfòmè depatman sante eta ak lokal la touswit lè yo mete yo okouran rezilta tèst dyagnostik pozitif pou COVID-19 pou nenpòt moun ki aktyèlman anndan oswa ki te resaman nan espas evènman an.
- Pati Responsab yo dwe kolabore ak depatman sante eta ak lokal yo nan kad efò rechèch kontak yo lè yo idantifye moun nan espas evènman an yo ki ka te anndan, oswa bò kote, nan menm espas, oswa ozalantou menm lè ak moun ki pozitif la nan lespas 48 èdtan avan moun sa a te kòmanse santi sentòm COVID-19 yo oswa lè yo te kolekte echantyon pou fè tèst dyagnostik la, kèlkeswa sa ki te fèt avan an. Efò rechèch kontak sa yo gen ladan revize enfòmasyon yo kolekte avan oswa pandan evènman/konpetisyon yo, tankou enfòmasyon sou pakin, dosye depistaj yo, ak anrejistremman videyo espas kominotè yo (pa egzanp, antre/sòti, lòbi yo).
 - Yo dwe kenbe konfidansyalite jan lwa ak règleman federal ak eta a yo egzije a.
 - Si yon atlèt, manm anplwaye ekip, oswa anplwaye espas evènman ki gen aksè nan espas anplwaye ekip yo oswa atlèt yo itilize yo resevwa rezilta pozitif pou yon tèst dyagnostik, Pati Responsab yo dwe asire ke ni antrenman yo ki konpetisyon yo pa kontinye jiskaske yo fin fè rechèch kontak ak izole moun ki enfekte yo epi mete moun ki te an kontak yo an karantèn, an kowòdinasyon ak depatman sante eta a ak lokal yo, jan sa apwopriye.
 - Nan ka kote yon anplwaye ekip, atlèt, oswa anplwaye espas evènman ta montre sentòm COVID-19 yo pandan li nan espas evènman an, Pati Responsab yo dwe enfòmè moun ki nan espas (yo) ki ozalantou yo oswa ke yo te ka konsidere kòm yon kontak pwòch avèk enfòmasyon sou tout kote moun nan te ye nan espas evènman an epi yo konnen si moun ki gen sentòm lan teste pozitif pou COVID-19 pa mwayen yon tèst dyagnostik.
- Depatman sante eta ak lokal yo gen dwa, selon otorite jiridik yo, mete sou pye kontwòl ak restriksyon sou deplasman pou moun ki enfekte oswa ekspoze a COVID-19 yo, sa gen ladan izòlman oswa karantèn, jan sa aplikab.
- Yo egzije anplwaye ekip, atlèt, oswa anplwaye espas evènman ke yo enfòmè ki te an kontak pwòch oswa dirèk ak yon moun ki gen COVID-19 e ke yo te enfòmè pa mwayen mekanis ki an plas pou rechèch kontak, swivi oswa lòt mekanis, pou yo fè anplwayè yo konnen pou kont yo ke yo te resevwa alèt la epi yo pral swiv pwotokòl ki dekri anwo a.
- Pati Responsab yo dwe egzije chak kliyan (oswa si kliyan se yon minè, yon granmoun ki nan gwoup/fwaye/fanmi li) ki prezan pou yo bay enfòmasyon pou kontakte yo anvan oswa touswit lè yo rive nan evènman, ki gen non konplè yo, dat nesans yo, adrès yo, ak nimewo telefòn yo oswa imel yo pou yo ka kontakte yo nan kad efò rechèch kontak potansyèl yo. Nan mezi sa pratik, enfòmasyon kliyan sa a dwe gen ladan syèj kote moun lan sipoze chita nan evènman/konpetisyon an.

- o Yo ka fè pwosesis pou kolekte enfòmasyon kontak la pa nenpòt ki mwayen ke Pati Responsab yo tabli pou kolekte enfòmasyon kontak ki anwo a, ki gen ladan men pa sèlman: nan kote y ap achte tikè yo, pa mwayen aplikasyon nimerik oswa nan fòmilè papyè, pa mwayen yon founisè tèl/laboratwa espas evènman deziyen an, oswa pa mwayen yon sistèm jesyon tikè.
- o Pati Responsab yo dwe kenbe done enskripsyon ki dekri anwo a nan yon dosye pandan omwen 28 jou epi mete done sa yo disponib pou otorite sante Eta a oswa lokal yo lè yo mande. Pati Responsab yo pa bezwen kenbe prèv rezilta tèl dyagnostik ki negatif moun te fè resaman oswa prèv vaksinasyon kont COVID-19 yo.

IV. PLAN ANPLWAYÈ YO

Pati Responsab yo dwe afiche nan fason vizib plan sekirite yo te fè pou sit la (yo) pou anplwaye ekip yo, atlet yo, ak anplwaye espas evènman yo. Eta a te mete disponib yon modèl plan sekirite pou reyouvèti biznis yo pou gide pwopriyetè ak operatè biznis yo lè y ap elabore plan yo pou pwoteje kont pwopagasyon COVID-19.

Gen plis enfòmasyon, rekòmandasyon, ak resous sou sekirite ki disponib sou:

Sit Entènèt Nouvo Kowonaviris (COVID-19) Depatman Sante Eta New York la
<https://coronavirus.health.ny.gov/>

Sit Entènèt Kowonaviris (COVID-19) Sant pou Kontwòl ak Prevansyon Maladi yo
<https://www.cdc.gov/coronavirus/2019-ncov/index.html>

Sit Entènèt COVID-19 Ajans Administrasyon Sekirite ak Sante nan Travay la
<https://www.osha.gov/SLTC/covid-19/>

Itilize lyen ki anba la pou w afime ke ou te li ak konprann obligasyon ou genyen pou w fonksyone dapre direktiv sa a:

<https://forms.ny.gov/s3/ny-forward-affirmation>